

卷之三

翰類選大成卷第一百三十八

左長史上海李伯璜編輯

紀善慈谿馮厚校正

勅類

宋

頌貢舉條制勅

歐陽永叔

夫儒者通天地人之理而兼明古今治亂之源可謂博矣然學者不得騁其說而有司務先聲病章句以牽拘之則吾豪雋音備之士何以奮焉有絕明朴茂之美而無敦學養成之法飭身勵節者使與不肖之人雜而並進則夫懿德敏行之賢何以見焉此士人之甚弊而學者自以為患議者屢以為言朕慎於改更比令詳酌仍詔宰府加之參定皆以謂本

校以教之。然後可求其行實。先策論則辨理者得盡其說。簡
程式則閎博者可見其材。至於經術之家。稍增新制。兼行舊
式。以勉中人。其煩法細文。一皆罷去。明其賞罰。俾各勸焉。如
此。則待士之意周。取人之道廣。夫遇人以薄者。不可責其厚。
今朕建學興善。以尊子大夫之行。而更制革弊。以盡學者之
材。予於教育之方。勤亦至矣。有司其務。嚴訓道。精察舉。以稱
朕意。學者其思進德修業。以無失其時。凡所科條。可為永制。
賜右屯衛大將軍叔詔獎諭勅

朕固嘉汝嚮學勵善。蔚然而有文。與夫習富貴之驕。而樂狗
馬者之翫者異矣。然夫學者所以知君臣父子之禮。出可以
施於國。入可以施於家。汝其慎擇厥師。講救其闕。使言行無
過。以自遠於悔尤。夫能異於衆人。誠為有立。必至乎君子然
後大成。汝其勉之。無或中止。

賜陝西四路公邊經略招討都部署司勅 宋子京

朕卹軍旅之苦。寵邊陲之良。事從優寬。情無遴愛。至於常
細。過並許功。除煩文苛法。罕由吏議。昨滕宗諒張亢並緣事
任。合給公用庫錢。俾其宴享賓僚。犒飫軍伍。而乃用度無藝。
簿領失防。陽託質營。潛有牟入。攸司言上。遣使即推。如聞逮
繫。頗多鞠劾。彌廣本其冗費。寧足深誅。已罷案窮。悉令原貸。
其滕宗諒等。止免一官。量降差遣。雖屈吾法。期慰士心。且夫
盡用市租。美推趙將來。從我取。誼表漢臣。每慕前風。思全大
體。尚慮諸道帥守。便以茲事為懲。或損狹餼。率或裁量。藥餌
苟有畏避。謂免譏彈。胡益至公。亦非朕意。但當循經費之式。
去潤之私。取仰於官。均惠於衆。由茲底績。夫何間然。安節

垣懷母或疑憚

罷諸路同提點刑獄使臣置轉運判官勅 劉原文

國家兼覆寓內疆理天下分州立邑十有八路惟吏之不平民之失職政之頗類獄之糾紛未能獨察也故設糾度之司使奉欽恤之寄專屬朝案貳以武吏誠欲審疑察枉釋寃決滯納民於不寃流化於無訟而武吏或起世家或由軍功文墨期會未必深究監司背頃適增其繁夫非其習而望其效違其方而冀其功不亦難乎其罷諸路同提點刑獄使臣令樞密院勘會已及二年者即令赴闕未及二年者與就移合入差遣及於河北河東陝西緣邊兵馬多處相度添置路分都監以次補用庶幾人蓋所畏官不虛受夫轉運使之任所寄耳目治財賦集事功也江南東西荆湖南北廣南東西福建益梓利夔等十一路此其去京師遠者萬里近者數千里或跨帶山海崎嶇蠻夷而皆一負主之處則無與參慮出則無與力設有緩急之警調輸之煩機會一失民受其弊甚非豫慮先事之策其各增置轉運判官一員以三年為一任選差第二任以上知州資序人候一任滿日與提點刑獄差遣初入知州及第三任通判資序人候滿兩任日與提點刑獄差遣若居部無狀墮職敗事亦重行其罰蓋士常患任之不當其材無以見長用之不久其任無以就功今朕別異文武使得自試選擇賢能使得次進吾於士大夫可謂無負矣其各竭力悉心勉成功名布告中外咸諭朕意

復天下州縣官職田勅 張方平

昔在先帝詔復公田合王制班祿之差得聖人養賢之義載

原深旨。本自愛民。比者搢紳之間。屢陳利害之意。以謂郡縣受地有無不齊。銓審除負權利為倖。辯競以之傷俗。因緣至于害人。故嘗命官。斷以定數。誠足釐於浮弊。然未安於予懷。禮不云乎。厚祿以勸群臣。則下之報禮重。凡厥文武仕于朝廷。雖廉素者。惟十之常。而富貴者。人之所欲。其全寬大之體。自有公平之制。所宜給其所未給。均其所未均。約為等差。繁令增足。使事父母者。得以致其養。畜妻子者。得以致其樂。冠昏喪祭。有所奉。慶恤饋問。有所施。不牽私室之憂。必專公家之慮。則六計可以弊群吏之治。四方可以期眾職之修。儻自犯干有司。亦何遁於彝憲。上廣先朝之惠。示不敢渝。下俾諸臣之言。審茲自定。惟爾中外。體予所存。

條制資蔭勅

周禮大司樂掌學政。以六藝教郡國子。漢制光祿勳典任籍。以四行察三署。即茲其官材本於世胄。然當辨論必屬俊良。今廢法之所原。古典刑之是憲。惟因循之日久。寢滋蔓而倖多。敎生作法之涼。濫起推恩之過。且賞延于世。諒非及於疎宗。官惟其人。顧何取乎。髻推暨階仕進之路。復無誨育之科。室不茨墉。田不疆畝。處不裕立身之道。出不閑從政之方。略觀貴途。良鮮舊族。此則上因朝廷法制之不立。下自父兄訓義之不孚。故俾宰司詳為定令。使夫冢嗣先錄。以篤為後之體。支子限年。以明入官之重。設考藝之格。激之向學。立保行之條。勉令率履。前史不云爵祿者。天下之砥石。人君所以礪世。磨鈍。茲實用焉。庶乎位有稱職之才。朝多濟世之美。非惟為國造士。是乃為臣立家。咨爾具僚。知朕此指。

皇族出官勅

蘇子容

自我祖宗恒叙邦族大則疏封於爵土次則通籍於閨臺普
集京師參奉朝請然而十餘者浸遠皇枝益蕃屬有親踈則恩
有隆殺才有賢否則祿有輕重今而一貫於周行是亦奚分
於流別雖睦婣之道誠廣而德施之義未周故廷臣數言宰
司繼請謂宜定正限以等彝朕惟親戚之間經史有訓漢唐之
世典故具有存或以九族辨尊卑或以五宗紀遠近或聽推恩
而分子弟或許自試而效才能或宗子之賢得從科舉或諸
王之女自主昏姻盡前世之所行顧當今之未備况我朝制
作動法先王豈宗室等衰反無定著因俾群公之合議將為
一代之通規載攬奏封具陳條目以謂祖宗昭穆宜從世世
之封王公子孫抑有親親之義若乃服屬之既竭洎于才藝
之並優在隨器以甄揚使當官而勉勲至於仕子之令選
之儀凡曰有司之常一用外官之法僉言既允朕意何疑告
於將來遂頒明命噫自義率祖誥殊升降之文因時制宜斯
盡變通之利咨爾宗盟之衆固多博識之倫奉承新書當體
朕意

六論一
漢書二十九
漢書二十九
漢書二十九

漢

司馬長卿道一

魏

陳孔璋二道
鍾士季一道

唐

程晏 一道
樊鑄 一道
駱賓王 一道

國朝

宋濂 一道
王禕 二道

多... 卷三十八

文翰類選大成卷第百二十九檄目錄

文翰類選大成卷第百二十九

左長史上海李伯璵編輯

紀善慈谿馮厚校正

檄類

漢

喻巴蜀檄

司馬長卿

告巴蜀太守。蠻夷自擅。不討之日久矣。時侵犯邊境。勞士大夫。陛下即位。存撫天下。安集中國。然後興師出兵。北征匈奴。單于怖駭。交臂受事。屈膝請和。康君西域。重譯納貢。稽顙來享。移師東指。閩越相誅。右弔番禺。太子入朝。南夷之君。西轅之長。常效貢職。不敢惰怠。延頸率踵。喁喁然皆嚮風慕義。欲為臣妾。道里遠。遠山川阻深。不能自致。夫不順者已誅。而為

善者未賞故遣中即將往賓之發巴蜀之士各五百人以奉幣帛衛使者不然靡有兵革之事戰鬪之患今聞其乃發軍興制驚馬懼子弟憂患長老郡又擅為轉粟運輸皆非陛下之意也當行者或亡逃自賊殺亦非人臣之節也夫邊郡之士聞烽卒燧燭皆攝弓而馳荷兵而走流汗相屬唯恐居後觸白刃冒流血議不反顧計不旋踵人懷怒心如報私讎彼豈樂死惡生非編列之民而與巴蜀異主哉計深慮遠急國家之難而樂盡人臣之道也故有剖符之封折珪而爵位為通侯處列東第終則遺顯號於後世傳土地於子孫行事甚忠敬居位甚安逸名聲施於無窮功烈著而不滅是以賢人君子肝腦塗中原膏液潤野草而不辭也今奉幣役至南夷即有賊殺或亡逃抵誅身死無名謚為至愚耻及父母為天下笑人之度量相越豈不遠哉然此非獨行者之罪也父兄之教不先子弟之率不謹寡廉鮮耻而俗不長厚也其被刑戮不亦宜乎陛下使使者有司之若彼悼不肖愚民之如此故遣信使曉喻百姓以發卒之事因數之以不忠死亡之罪讓三老孝悌以不教誨之過方今田時重煩百姓已親見近縣恐遠所谿谷山澤之民不徧聞檄到亟下縣道使咸喻陛下之意無忽

魏

為袁紹檄豫州

陳孔璋

左將軍領豫州刺史郡國相守蓋聞明主圖危以制變忠臣慮難以立權是以有非常之人然後有非常之事有非常之事然後立非常之功夫非常者故非常人所擬也當襄者疆秦

弱主。趙高執柄，專制朝權，威福由己。時人迫脅，莫敢正言。終
有望夷之敗。祖宗焚滅，汙辱至今。永為世鑒。及臻呂后季年，
產祿專政，內兼二軍，外統梁趙，擅斷萬機，決事省禁，下陵上
替，海內寒心。於是絳侯朱虛，與兵奮怒，誅夷逆暴，尊立太宗。
故能王道興隆，光明顯融。此則大臣立權之明表也。司空曹
操，祖父中常侍騰，與左官徐璜，並作妖孽，饕餮放橫，傷化虐
民。父嵩乞匄，攜養。因賊假位，與金華，壁輸貨權門，竊盜昌司。
傾覆重器，操督閹遺醜，本無懿德，標校鋒協，好亂樂禍。幕府
董統，雁鳥揚，掃除凶逆，續遇董卓，侵官暴國。於是提劍揮鼓，發
命東夏，收羅英雄，弃瑕取用。故遂與操同諮合謀，授以裨師。
謂其鷹犬之才，爪牙可任。至乃愚佻短略，輕進易退，傷夷折
勳，數喪師徒。幕府輒復分兵，命銳脩完，補輯表行，東郡太守。
領兗州刺史，被以虎文，冀威柄。其獲秦師一寇之報，而
遂承資跋扈，肆行凶忒。割剝元元，殘賢害善，故九江太守邊
讓，英才俊偉，天下知名，直言正色，論不阿諂，身首被梟懸之。
誅，妻孥受灰滅之咎。自是士林憤痛，民怨彌重。一夫奮臂，舉
州同聲，故躬破於徐方，地奪於呂布，彷徨東裔，蹈據無所。幕
府惟彊幹弱枝之義，且不登叛人之黨，故復援旌擐甲，席卷
起征。金鼓響振，布眾奔沮，拯其死亡之患，復其方伯之位。則
幕府無德於兗土之民，而有大造於操也。後會鸞駕反旆，群
虜寇攻，時冀州方有北鄙之警，匪遑離宥，故使從事中郎徐
勛，就發遣操，使繕脩郊廟，靖衛幼主。操便放志專行，脅遷當
御省禁，卑侮王室，敗法亂紀，坐領三臺，專制朝政，爵賞由心。
刑戮在口，所愛光五宗，所惡滅三族。群談者受顯誅，腹議者

蒙隱幾百家鉗口道路以目尚書記朝會公卿充眞品而已
故太尉楊彪與歷二司享國極位操因緣毗睨被以非罪榜
楚參并五毒備至觸情任成不顧憲網又議卽趙彥忠諫直
言義有可納是以聖朝合聽以容加飾操欲遂奪時明杜絕
言路擅收立殺不俟報聞又梁孝王先帝母昆墳陵尊顯桑
梓松柏猶宜肅恭而操帥將吏士親臨發掘破棺裸尸掠取
金寶至今聖朝流涕士民傷懷操又特置發丘中卽將摸金
校尉所過墮突無骸不露身處三公之位而行桀虜之態汗
國虐民毒施人鬼加其細政慘何科方互設置繳充蹊坑穿
塞路舉手挂網羅動足觸機陷是以充豫有無聊之民帝都
有吁嗟之怨歷觀載籍無道之臣貪殘酷烈於操為甚幕府
詰外姦未及整訓加緒含容豈可彌縫而操豺狼野心營
不而謀乃欲摧撓棟梁孤弱漢室除滅忠正專為梟雄往不
效而此征公孫瓚疆寇桀逆拒圍一年操因其未破陰交書
且未助王師內相掩襲故引兵造河方舟北濟會其行人發
孫瓚亦梟夷故使鋒芒挫縮厥圖不果耳乃大軍過蕩西山
者各左校比皆束手奉質爭為前登犬羊殘醜消淪山谷於是
操師震懼晨夜遁遁屯據敖倉阻河為固欲以螳螂之斧禦
隆車之隧幕府奉漢威靈折衝宇宙長戟百萬切騎千群奮
中黃育獲之士騁良弓勁弩之勢并州越太行青州涉齊澤
大軍汎黃河而角其前荊州下宛葉而掎其後雷震虎步並
集虜庭若舉炎火以燭飛蓬覆滄海以沃燧炭有何不滅者
哉又操軍吏士其可戰者比口出自幽冀或故營部曲感怨曠
思歸流涕北顧其餘充豫之民及呂布張揚之遺眾覆亡迫

脅權時苟從各被創夷人為讎敵若迴旆方祖登高岡而擊鼓吹揚素揮以啓降路必土崩瓦解不俟血刃方今漢室陵遲網維弛絕聖朝無一介之輔股肱無折衝之勢方畿之內簡練之臣皆曳頭搨翼莫所憑恃雖有忠義之位脅於暴虐之臣焉能展其節又操持部曲精兵七百圍守官闕外託宿衛內實拘執懼其莫逆之萌因斯而作此乃忠臣肝腦塗地之秋烈士立功之會可不勗哉操又矯命稱制遣使發兵恐邊遠州郡過聽給與疆寇弱主違眾旅叛舉以喪名為天下笑則明哲不取也即日幽并青冀四州並進書到荊州使勒見兵與建忠將軍協同聲州郡各整戎馬羅落境界卒師揚威並匡社稷則非常之功於是乎著其得操首者封五千戶侯賞錢五十萬部曲偏裨將校諸吏一者勿有所問廣宣恩信班揚符賞布告天下咸使知聖朝有拘偏之難如律令

檄吳將校部曲

年月朔日子尚書令咸告江東諸將校部曲及孫權宗親中外蓋聞禍福無門唯人所召夫見機而作不處凶危上聖之明也臨事制變困而能通智者之慮也漸漬荒沈往而不反下愚之蔽也是以大雅君子於安思危以遠咎悔小人臨禍懷佚以待死亡二者之量不亦殊乎孫權小子未辨菽麥要領不足以膏齊斧名字不足以濔璧猶穀始生翰毛而使陸梁放肆顧行吠主謂為舟楫足以距皇威江湖可以逃靈誅不知天網設張以在綱目嬰鑊之魚期於消爛也若使水而可恃則洞庭無三苗之墟子陽無荆門之敗朝鮮之壘不刊南越之旌不拔昔夫差承闔閭之遠跡用申胥之訓兵接越

會稽可謂彊矣及其抗衛上國與晉爭長都城屠於句踐武卒散於黃池終於覆滅身罄越軍及吳王濞驕恣強猾得始亂自以兵彊國富勢陵京城太尉帥師甫下滎陽則七國之軍瓦解冰泮漢之罵言未絕於口而丹徒之刃以陷其背何則天威不可當而悖逆之罪重也且江湖之衆不足恃也自董卓作亂以迄於今將三十載其間豪桀縱橫熊據虎峙疆如二袁勇如呂布益州連郡有威有名者十有餘輩其餘鋒捍特起鸚鵡視狼豺豕為梟雄者不可勝數然皆伏鈇嬰鉞首腰分離雲散原燎罔有孑遺近者關中諸將復相合聚續為叛亂阻二華據河渭驅率羌胡齊鋒東向氣高志遠似若無敵丞相秉鉞鷹揚順風烈火元戎啓行未鼓而破伏尸千萬流血漂橈此皆天下所共知也是後大軍所以臨江而不濟者以韓約馮超逋逸迸脫走還涼州復欲鳴吠逆賊宋建僭號河首同惡相救並為脅齒又鎮南將軍張魯負固不共皆我王誅所當先加故且觀兵旋旆復整六師長驅西征致天下誅備將沙龍則建約梟夷旄首萬里軍入散關則群氏率服王侯豪帥奔走前驅進臨漢中則陽平不守十萬之師土崩魚爛張魯逋竄走入巴中懷恩悔過委質還降巴夷王朴胡賓邑侯杜濩各帥種落共舉巴郡以奉王職鉦鼓一動二方俱定利盡西海兵不鉞鋒若此之事皆上天威明社稷神武非徒人力所能立也聖朝寬仁覆載允信允文大啓爵命以示四方魯及胡濩皆身萬戶之封魯之五子各受千室之邑胡濩子弟部曲將校為列侯將軍已下千有餘人百姓安堵四民反業而建約之屬皆為鯨鯢超之妻孥焚首金城

父母嬰孩覆尸許市。非國家鍾禍於彼降福於此也。逆順之分。不得不然。夫鷲鳥之擊。先高攬鷲鳥之勢也。牧野之威。孟津之退也。今者枳棘翦扞。戎夏以清。萬里肅齊。六師無事。故大舉天師百萬之衆。與匈奴南單于呼完厨。及六郡烏桓丁令屠各。遼中羌棘。寔奮席卷自壽春而南。又使征西將軍夏侯淵等。率精甲五萬。及武都氐羌巴漢。銳卒南臨汶江。搃據庸蜀。江夏襄陽諸軍。橫截湘沅。以臨豫章。樓船橫海之師。直指吳會。萬里赴期。五道並入。權之期命。於是至矣。丞相銜奉國威。為人除害。元惡大憝。必當梟夷。至於枝附葉從。皆非詔書所特禽。疾故每破滅彊敵。未嘗不務在先降。後誅。拔將取才。各盡其用。是以立功之士。莫不翹足引領。望風響應。昔袁術替董卓誅將加。則廬江太守劉勳先舉其郡。還歸國家。呂布作亂。師臨下邳。張遼侯成率衆出降。還討駐固。許洪揚。城就化。官度之役。則張郃高奩舉事立功。後討袁尚。則都督將軍馬延。故豫州刺史陰夔。射聲校尉郭昭。臨陣來降。圍守新城。則將軍蘇游。反為內應。審配兒子。開門入兵。既誅袁譚。則幽州大將焦觸。攻逐袁熙。舉縣來服。凡此之輩。數百人。皆志壯果烈。有智有仁。悉與丞相參圖畫策。折衝討難。芟敵塞旗。靜安海內。豈輕率措也哉。誠乃天啓其心。計深慮遠。審邪正之津。明可否之分。勇不虛死。節不苟立。屈伸變化。唯道所存。故乃建丘山之功。享不訾之祿。朝為仇虜。夕為上將。所謂臨難知變。轉禍為福者也。若夫說誘甘言。懷寶小惠。泥滯首且沒。而不覓隨波漂流。與燧俱滅者。亦甚衆多。吉凶得失。豈不哀哉。昔歲軍在漢中。東西懸隔。合肥遺守。不滿五千。權親

以數萬之衆破敗奔走。今乃欲當禦雷霆難以冀矣。夫天道助順。人道助信。事上之謂義。親親之謂仁。盛孝章君也。而權誅之。孫輔兄也。而權殺之。賊義殘仁。莫斯為甚。乃神靈之通罪下民。所同讎。辜讎之人。謂之凶賊。是故伊摯去夏不為傷。德飛廉死紂不可謂賢。何者去就之道各有宜也。丞相深惟江東舊德。名臣多在載籍。近魏叔英秀出高峙。著名海內。虞文繡砥礪清節。耽學好古。周泰明當世雋彥。德行脩明。皆宜膺受多福。保又子孫。而周盛門戶無辜。被戮遺類流離湮沒。林莽言之可為愴然。聞魏周榮。虞仲翔。各紹堂構。能負析薪。及吳諸顧陸。舊族長者。世有高位。當報漢德。顯祖揚名。又諸將校。孫權婚姻。皆我國家良寶利器。而並見驅逐。兩絕於天。有斧無柯。何以自濟。相隨顛沒。不亦哀乎。蓋鳳鳴高岡。以遠

爵羅賢聖之德也。鷦鷯之鳥。巢於葦若。若折子破下。愚之感也。今江東之地。無異葦若。諸賢處之。信亦危矣。聖朝開弘曠蕩。重惜民命。誅在一人。與衆無忌。故設非常之賞。以待非常之功。乃霸夫烈士奮命之良時也。可不勉乎。若能翻然大舉。建立元勳。以應顯祿。福之上也。如其未能。竿量大小。以存易亡。亦其次也。夫係蹄在足。則猛虎絕其踣。螻蛇在手。則壯士斷其節。何則。以其所全者重。以其所弃者輕。若乃樂禍懷寧。遂而忘復。闇大雅之所保。背先賢之去就。忽朝陽之安。甘折若之末。日忘一日。以至覆沒。大兵一放。玉石俱碎。雖欲救之。亦無及已。故令往購募爵賞料條如左。檄到詳思。至言如詔。律令

檄蜀

鍾士季

往者漢祚衰微。率土分崩。生民之命。幾於泯滅。我太祖武皇

帝神武聖哲撥亂反正。拯其將墜。造我區夏。高祖文皇帝。應天順民。受命踐祚。烈祖明皇帝。奕世重光。恢拓洪業。然江山之外。異政殊俗。率土齊民。未蒙王化。此三祖所以顧懷遺志也。今主上聖德欽明。紹隆前緒。寧輔忠肅。明允勤勞。王室布政垂惠。而萬邦協和。施德百蠻。而肅慎致貢。淖被巴蜀。獨為匪民。愍此百姓。勞役未已。是以命授六師。冀行天罰。征西雍州。鎮西諸軍。五道並進。古之行軍。以仁為本。以義治之。王者之師。有征無戰。故虞舜舞干戚而服。有苗。周武有散財發廩。表閭之義。今鎮西奉辭。銜命攝統。戎車庶弘。文告之訓。以濟元元之命。非欲窮武極戰。以快一朝之志。故畧陳安危之要。其敬聽話言。益州先主。以命世英才。典兵新野。困躡冀徐之郊。制命紹布之手。太祖拯而濟之。興隆大好。中更背違。奔同即視。爾自昔為過之所。或天涯或地岳。起於侯甸之外。自非羣轂之下。豈比今日。濟九門。臨四達。使哀聲悲響。一及聰聽。爾誰欺欺天乎。然曲江者南嶠仙閣。北距靈宮。足可効赤水產黃帝之珠。胡為殲奪。生竊司命之契。况之人。皆編中華。俗游無河鄉。所異猛火烈山。而莫焚。大浸稽天。而不溺。既遇爾省。括捨之中。縱使飯術解漂之餌。山經不沈之木。豈可免爾之圖乎。茲中江自首。創至于今。時數千里。之更代。易主。島流波耗。纔可接腋於井蛙。詎持順於海鼈。爾之所處。豈不狹隘乎。人之所賞。豈有舳舻乎。逮天寶載。我皇以土德以博之寶。澤流以濟之積。潤下之波。瀾用濟川之舟。微豈不謂幸於爾也。爾何滿以致溢。凶以自察。使彼都人士。自此之後。懼爾同失神之海。惡爾甚探手之湯。匪徒歎爾盛事。過自撥也。雖悔

可追。然靈莫尊於君人。時莫美於陽春。君固愛人。種德乘春。宥罪省愆。圖去桎梏。爾美得侍。宅無聞括。守有曲。襲不辜於山獄之候繫。歿於積慶之家。僕謂數子。叫天曹。訴地府。黜爾主職。在於斯。頌不然。僕見欲上書於承明。當徵齋近。速周爰擊。劍長。逐孽波深。搜爾。居遁。迷則用能。東請長臂者。灑漉之。又於雄崇北使。長股者。憑踐之。不然。邀離朱以視之。命宋定以縛之。然後調馬。梅弱獸。炭是烹。是醢。以報東門。爾儻若混空。隱形和水。匿象則使牛曳蛇尾。絕其本根。縱逢山見。虺毛。終難必復矣。僕亦宜念五六日。至于旬時。恐爾有詞。曰予不誠視成。不令而行。故矢在弦上。垂而未發。儻能易轍。僕則既往不咎。若為刻舟。爾則何辭。以對徐察。爾變惟審圖之。為徐敬業討武嬰檄

駱賓王

偽周武氏者。性非和順。地實寒微。昔充八宗下陳。曾以更木入侍。洎乎晚節。穢亂春宮。潛隱先帝之私。陰圖後房之嬖。入門見嫉。娥眉不肯讓人。掩袖工讒。狐媚備能。惑主踐元后於暈翟。陷吾君於聚塵。加以虺蜴為心。豺狼成性。近狎邪僻。殘害忠良。殺姊屠兄。弑君鳩母。人臣之所同嫉。天地之所不容。猶復包藏禍心。窺竊神器。君之愛子。幽之於別宮。賊之宗盟。委之以重任。嗚呼。霍子孟之不作。朱虛侯之已亡。鸞喙皇孫。知漢祚之將盡。龍漦帝后。識夏庭之遽衰。敬業皇唐舊臣。公族冢子。奉先君之成業。荷本朝之厚恩。宋微子之興悲。良有以也。袁君山之流涕。豈徒然哉。是用氣憤風雲。志安社稷。因天下之失望。順宇內之推心。爰舉義旗。以清妖孽。南連百越。北盡三河。鉄騎成群。玉軸相接。海陵紅粟。倉儲之積。靡窮。江

浦黃旗。匡復之功何遠。班聲動而北風起。劍氣衝而南斗平。暗鳴則山岳崩頽。叱咤則風雲變色。以此制敵。何敵不摧。以此圖功。何功不克。公等或居漢地。或叶周親。或膺重寄於話言。或受顧命於宣室。言猶在耳。忠豈忘心。一杯之士未乾。六尺之孤何託。儻能轉禍為福。送往事居。共立勤王之圖。無廢大君之命。凡諸爵賞。同清山河。若其眷戀窮城。徘徊岐路。坐昧先幾之兆。必貽後至之誅。請看今日之域中。竟是誰家之天下。

國朝

擬漢使諭郡國共擊邯鄲檄

宋濂

惟高皇帝提三千卒。起自豐沛。赤熾一揮而天下底定。累洽重熙。至于孝平皇帝。藐在幼冲。委制新都。侯莽久東園釣。遂致潛萌。異圖僭奸天位。四海豪傑。怨怒次骨。至有挽戈待旦。而弗寐者。義旗始豎。持劍之士。動以萬數。不一二年。直搗長安。衆共誅莽。天地為之開明。日月為之宣昭。人祇為之鬯舒。爾吏民之所共知。賊王郎者。本邯鄲卜筮之家。乘海內弗靖。詐稱成帝子。子輿。以惑爾吏民。趙魏亡賴男子。遂立為帝。徇下幽冀。漢與賊決不兩立。義將剪屠之。今大司馬劉公將城頭子路刁子都。兵百萬。從東方來。軍容之盛。燁赫震蕩。如雷如霆。嬰其鋒者。無不殞滅。爾吏民皆漢舊臣。當不忘二百

年子養元元之澤。帥爾子弟執爾戈矛。鼓行而西。相與成大
功。漢法具在。陷陣却敵者。受上賞。塞旗斬將者。次之。執俘獻
戮者。又次之。爾吏民隨所擇。為前之大將軍。建立殊績。垂名
竹帛者。亦夫人也。魯謂爾吏民弗能之乎。亦在勗之而已。其
有不知逆順之辨。甘為賊虜。敢持兵以從我者。必草薶而禽
獮之。盡根株痛斷。乃止耳。爾吏民姑昧昧思之。新莽篡立。已
十四年。置百官。有司誅臣。早七雄天下。尚頸血濺地。節解鬻
分王。即以新集之衆。假名為合。連戰則為獸。散其能與漢兵
敵乎。漢德在人。心者。未泯海內。謳吟思之。雖五尺童子。日夜
矯首以望。赤帝旌旗之至。故一叱咤。聞破昆陽之圍。斬司徒
之首。拔武關之險。降宛城之兵。下河北之衆。星流彗掃。若神
兵自天而下。爾吏民目所親覩。此無它。天命所在。有不可
易也。昔高皇帝嘗刑白馬盟諸侯王。非劉氏而王者。天下共
擊之。况王郎僭厥帝號。反易天常。罪決在不赦。爾吏民上稽
天命。下度人心。尚傳相告語。戮力以誅無道。使它日祀漢配
天。不失舊物。爾吏民榮名無窮焉。不然。漢兵且至。其無悔

漢太尉論七國檄

王禘

蓋聞君親無將。將而必誅者。春秋之誼。為非者。天報以殃。大
易之道也。昔我高皇帝既定天下。懲亡秦孤立之敗。於是剖
裂疆土。分二等之爵。大封同姓。侯者百餘邑。尊王子弟。大啓
九國。而是時昆弟少。諸子又幼弱。故孽子悼惠王。王齊七十
二城。庶弟元王。王楚四十城。兄子濞王。吳五十餘城。封三庶
孽。凡以廣親親之道。固磐石之基也。惟時諸王奄有民社。固
宜謹守職約。作漢藩輔。不顯亦世。與漢室相久遠。今吳王濞

乃稱首亂。連諸國反。豈漢頌有負於若等耶。然當先帝之封
漢也。心固疑其有反。嘗諭之曰。漢後五十年。東南有亂。豈
若耶。然天下同姓一家。慎無反。漢頓首謝不敢。及漢就國。乃
遂招致天下亡命。公即山鑄錢。煮海為鹽。變亂法度。復以太
子故內懷怨望。詐稱病不朝。失藩臣禮。於古法嘗誅。有司數
請其罪。孝文皇帝寬容不忍。因賜之几杖。若不朝。欲其改行
為善。德至厚也。今不圖改過。自新益肆。驕恣背德。蔑義壞先
帝所建立。與楚王戊。趙王遂。膠西王卬。濟南王辟光。菑川王
賢。膠東王雄渠。約從謀反。為逆無道。起兵以危宗廟。賊害大
臣。及漢使者。迫劫萬民。伐殺無罪。燒殘室家。掘發丘隴。為虐
暴甚。而卬等又重逆無道。毀宗廟。鹵御物。皆干國之紀。其罪
不容誅。幕府欽承皇帝制。詔盡護諸將。以大軍東向。問罪。
國惟爾七國。皆劉氏懿親。先帝所建立。而同姓一家之論。一
猶在耳。縱不顧國家之法。獨不念先帝之故。畏其在天之靈
乎。且七國反書。以御史大夫龜錯變更律令。侵削諸侯。為辭
皇帝。量比天地。信如日月。不愛一人。謝天下。亦既誅錯。以昭
至公。而七國兵不罷。以此觀之意。非徒欲誅錯明矣。叛逆之
罪。上通于天。今靈旗東指。所謂應兵王者之師。有征無戰者
也。計七國之地。不能當漢十二。願乃糾合區區之眾。而欲與
大漢為敵。譬猶覆薄冰而待白日。豈不殆哉。如能解散前惡。
以先帝子孫骨肉為念。請命降服者。皆除其罪。復故其間豪
傑。有能搗斬渠魁。倡眾來歸。及所在士大夫。能慕義効忠。戮
力成事者。封拜之科。厥有令甲。夫逆之與順。禍之與福。其趨
不同。判若白黑。為逆而甘於屠戮。孰與為順而受福。功名富

貴保于永世者乎禍福之原唯人所召毋狐疑猶豫為知幾者所姗咲檄到其善詳所處書不盡意

漢伏波將軍諭南粵檄

蓋聞天下之大義當混為一惟大漢隆興兼制八荒威稜所被罔不臣妾陛下即位歟既存撫天下輯安中國然後興師出兵從事于蠻夷是故有司臨境而東甌請服閩王服辜大將軍秉鉞單于奔幕票騎抗旌昆邪右旌自上古所未能攝正朔不及其俗者莫不訕膝受事稽首來享甘心而內附惟南粵在服嶺南本南海地趙佗故越吏秦滅天下亂佗輒據其地自立為王高皇帝已定天下為中國勞苦故釋佗不誅因而王之與剖符通使使和輯百粵為外臣及高后時南粵以我財絕器物為辭乃自尊彌為帝稱制與中國同高后怒削去南粗籍遣兵擊之會國有大故兵器考文皇帝務以德懷柔四夷為佗親冢任真定置守邑其從昆弟咸尊官厚賜寵之而遣使諭盛德焉佗恐頓首謝願奉詔長為藩奉貢職自削其帝制通使如故然聞其居國竊如故彌特使天子時稱王朝命如諸侯而已天子寬容掩覆瑕玼亦置不問陛下建元之四年佗孫胡嗣為王而東粵侵其邊邑胡不敢擅興兵上書天子請命天子多南粗義守職約為興兵未至而東粗平胡感漢德且約入見天子已而背約不入見而遣子嬰齊入宿衛胡死嬰齊歸國立擅殺生自恣無道天子數使使者風諭亦竟負恩不復見天子及其子與繼立乃與母后謀求內屬上書請比內諸侯三歲一朝天子許之賜其相呂嘉印除其故重刑用漢法諸使者留鎮撫之則是大漢始終嘉惠于

南粵者甚厚。為南粵計。其將何以報漢德乎。頃者其王王太后能念漢恩。不可負。如約將入朝。獨呂嘉久執國柄。威福自專。願以內屬。為非利。於是天子遣兵及其境。問罪遂以反。聞弒其王。王太后盡殺漢使者。連蒼梧兵拒漢。逆天悖道。厥罪不可赦。陛下赫然怒。是用命將出師。將盡誅夷之。而郡縣其地。雖其地方萬里。廣袤有犀象翡翠玳瑁諸奇產。然以我大漢之強盛。得其地不足以加大。得其財不以為富。徒以其罪稔惡。貫義所當誅。用宏混一之盛。震耀我大漢威命於無垠。幕府今受天子詔。分命伏波將軍出桂陽。下湟水。樓船將軍出豫章。下潁水。戈船將軍出零陵。下離水。下瀨將軍下蒼梧。馳義侯發夜郎兵。下牂何江。咸會番禺。殄滅之期。決在今日。蓋黃帝之兵。非人之力。天之福也。惟爾南粵官屬將校。部落君長。其必劫於威暴。汚染凶逆。無以自新。如能共棄前惡。斬捕元凶。相率來降。封賞之科。具如甲令。夫玉石俱焚。誠聖天子所不忍用。是播告之脩。不匿厥指。苟或保恃險阻。懷抱疑貳。以自外我天子之威命。則天兵所至。我在討除。必草薶而禽獮之。盡殺乃止。禍福所在。昭然甚明。儆到咸諭。陛下意毋忽。

文翰類選大成卷之百三十九

文翰類選大成卷之百二十九

文翰類選大成卷之百二十九
（此處為大量模糊的垂直文字，內容難以辨認）

文翰類選大成卷第一百四十冊謚目錄

漢

武帝 一篇
潘元茂 一篇

齊

謝玄暉 一篇

唐

賈曾 一篇
賈幼隣 一篇
陸敬輿 一篇
權載之 一篇

李待價 一篇

宋

范文素 一篇
歐陽永叔 一篇
王禹玉 二篇

元

姚端用 一篇
王磐 一篇
王構 一篇
陳儼 一篇

閻子靜一篇張士觀一篇袁伯長一篇虞伯生一篇

文翰類選大成卷第一百四十冊 謚目錄

文翰類選大成卷第一百四十

左長史上海李伯璣編輯

紀善慈谿馮厚校正

冊謚類

漢

封廣陵王冊 武帝

嗚呼小子疇受茲赤社建爾國家封于南土世世為漢藩輔
古人有言曰大江之南五湖之間其人輕心揚州保疆三代
要服不及以正嗚呼采爾心祗祗兢兢延恭延順毋相好逸
毋邇宵人惟法惟則書云臣不作福不作威靡有後羞至其
戒之

魏王九錫冊

潘元茂

名藩陳留中平人尚書左丞

制詔使持節丞相領冀州牧武平侯朕以不德少遭閔凶越
在西土遷于唐衛當此之時若綴旒然宗廟之祀社稷無位
羣凶覬覦連帶城邑一人尺土朕無獲焉即我高祖之命將
墜於地朕用夙興假寐震悼于厥心曰惟祖惟父股肱先正
其孰恤朕躬乃誘天衷誕育丞相保乂我皇家弘濟于艱難
朕實賴之今將授君典禮其敬聽朕命昔者董卓初興國難
羣后釋位以謀王室君則攝進首啓戎行此君之忠於本朝
也後及黃巾反易天常侵我三州延于平民君又討之前翦除
其跡以寧東夏此又君之功也韓暹楊奉專用威命又賴君
勲剋黜其難遂建許都造其宮畿設官北祀不失舊物天地
鬼神於是獲乂此又君之功也袁術僭逆肆于淮南爾憚君
靈用丕顯謀蘄陽之後天橋蕤殺首稜威南厲術以殞潰此又

君之功也迴戈東指呂布就戮乘軒將返張揚沮斃駐固伏
罪張繡稽伏此又君之功也袁紹逆常謀危社稷憑恃其衆
稱兵內侮當此之時王師寡弱天下寒心莫有固志君執大
節精貫白日奮其武怒運諸神策致扁官度大殲醜類俾我
國家拯於危墜此又君之功也濟師洪河拓定四州袁譚高
幹咸梟其首海盜奔迸黑山順軌此又君之功也烏丸三種
崇亂二世表尚因之逼據塞北東馬懸車一征而滅此又君
之功也劉表背誕不供貢職王師首路威風先逝北城八郡
交臂屈膝此又君之功也馬超成宜同惡相濟濱據河潼求
所逞欲殄之渭南獻馘萬計遂定邊城撫和戎狄此又君之
功也鮮卑丁令重譯而至單于白羣請吏帥職此又君之功
也君有定天下之功重以明德班叙海內宣美夙俗旁施勤

教恤慎刑獄吏無苛政民不回慝敦崇帝族援繼絕世舊德
前功罔不咸秩雖伊尹格于皇天周公光于四海方之蔑如
也朕聞先王並建明德昨之以土分之以民崇其寵章備其
禮物所以蕃衛王室左右厥世也其在周成管蔡不靖懲難
念功乃使邵康公奭齊太公履東至于海西至于河南至于
穆陵北至于無棣五侯九伯實得征之世祚太師以表東海
爰及襄王亦有楚人不供王職又命晉文登為侯伯錫以二
輅虎賁鈇鉞鉅鬯弓矢大啓南陽世作盟主故周室之不壞
繫二國之是賴今君稱丕顯德明保朕躬奉答天命導揚弘
烈綏爰九域罔不率俾功高乎伊周而賞卑乎齊晉朕甚愿
焉朕以眇身託於兆民之上求思厥艱若涉淵冰非君攸濟
朕無任焉今以冀州之河東河內魏郡趙國中山鉅鹿常山

安平甘陵平原凡十郡封君為魏公使使持節御史大夫
綏君印綬冊書金虎符第一至第五竹使符第一至第五右
錫君之字苴以白茅爰契爾龜用建冢社昔在周室畢公毛
公入為卿佐周邵師保出為二伯外內之任君實宜之其以
丞相領冀州牧如故今更下傳璽肅將朕命以允華夏其上
故傳武平侯印綬今又加君九錫其敬聽後命以君經緯禮
律為民軌儀使安職業無或遷志是用錫君大輅戎輅各一
玄牡二駟君勸分務本齊民昏作粟帛滯積大業惟興是用
錫君衮冕之服赤舄副焉君敦尚謙讓俾民興行少長有禮
上下咸和是用錫君軒懸之樂六佾之舞君翼官風化爰發
四方遠人曰面華夏充實是用錫君朱戶以居君研其明哲
思帝所難官才任賢群善必舉是用錫君納陛以登君秉國

之均。正色處中。纖毫之惡。靡不抑退。是用錫君虎賁之士三百人。君糾虔天刑。章厥有罪。也。閔于紕莫不誅。極是用錫君鈇鉞各一。君龍驤虎視。旁眺八維。掩討逆節。折衝四海。是用錫君彤弓一。彤矢百。茲弓十。茲矢千。君以溫恭為基。孝友為德。明允篤誠。感乎朕思。是用錫君和幣一。貞珪瓚副焉。魏國置丞相以下。群卿百僚。皆如漢初諸王之制。君往欽哉。敬服朕命。簡恤爾衆。時亮庶功。用終爾顯德。對揚我高祖之休命。

齊

明皇帝謚冊

謝玄暉

維永泰元年九月朔日。哀子嗣皇帝諱。仰惟大行皇帝早棄萬邦。聖烈方遠。式尊帝世。俾增鴻猷。咸以為無名以化。則言祭莫宣其道。有求斯應。則影響庶同其功。所以永言配命。寄心宗極。光昭令德。允樹夙聲。伏惟大行皇帝。令信四時。齊光日月。創光大於登庸。通神機於授命。因時以惕。藉九萬而輕。宰夫保既定運。四海而高臨。及乃開物成務。重維國綱。風行草化。心往如神。左賢右戚。內樂外禮。輯五材以教民。申三驅而在宥。用能盛德殷薦。美善斯畢。皇矣之業。既孚。蒸哉之道。咸備。景化方遠。朕世在天。龜筮告期。遠日無改。仰則前王。俯詢百辟。累德稱睿。允極鴻名。謹命某申奉太牢之奠。謹上尊謚曰明皇帝。廟号高宗。天久允協。神其尚饗。嗚呼哀哉。

唐

玄宗明皇帝冊

賈曾

朕以寡昧。虔奉鴻休。本殊王季之賢。早達邈州之節。昔者聖曆已讓。皇嗣之尊。暨至神龍。終辭大弟之授。豈惟衣冠所覩。

抑以兆庶咸知頃屬國步未夷時艱王勿大業有綴旒之懼
寶位深墜地之憂議迫公卿遂司契象日慎一日以至于今
一紀之勞勤亦至矣萬邦之俗化漸行矣將成夙願朕寔
區昔堯之禪舜惟能是與舜以命禹匪私其親神器之重允
歸公授皇太子某有大功於天地定帖危於社稷温文既習
聖敬日躋委之監撫已移年歲時政益明庶工惟序朕之知
子庶不負時曆數在躬宜陞元后可令即皇帝位有司擇日
授冊朕方比跡洪古希夙太皇神與化遊思與道合無為無
事豈不美欤王公百寮宜識朕意

肅宗宣皇帝冊

賈勿隣

維天寶十五載歲次丙申月戊子朔二十一日戊申上皇
帝曰咨爾元子某惟天為大惟人君則之順乃德故舜禹揖

讓而履皇極嗚乃道故丹朱商均不能保洪業是以啓有惠
迪而夏嗣焉隋有亂紀而唐受焉五聖之御寓皆以勤儉兢
業日慎一日故能享祐長久垂慶無窮洎于六葉恭位四海
猷于勤倦緬慕汾陽將保靜順神思我烈祖玄元之道是用
命爾元子當位嗣統於戲爾有忠孝之誠極于君父爾有友
愛之義信于兄弟爾有仁恕之行通于神明爾有戡難之才
彰于兆庶予懋乃懿德嘉乃神武天之曆數在爾躬汝惟推
誠禍亂將奠爾永清汝惟從諫宗社將奠爾復寧佞言惟疵
直言惟師任賢勿貳去邪勿疑民非后孰治后非賢罔與守
邦欽哉慎乃有位無忝我祖宗之丕烈矣

告謝昊天上帝冊

陸敬輿

維貞元元年歲次乙丑十一月癸巳朔十一日癸卯嗣天子

臣某。敢昭告于昊天上帝。顧惟寡昧不古。明道不膺。眷命俾作神主。常恐獲戾。上下而播災於人。兢業夙夜。祇畏居位五祀。德馨茂聞。皇靈不斂。是用大敬。殷憂播蕩。踰歷三時。誠懼烈祖之耿光。墜而不耀。側身思咎。庶補將來。上帝顧懷。誘衷悔禍。勦兇慝之凌暴。雪人神之憤。耻舊物不改。神心載新。茲乃九廟遺休。兆人介福。以臣之責。其何解焉。間屬寇虜。久稽告謝。今近郊甫定。長至在辰。謹以玉帛犧齊。粢盛庶品。冀憑禋燎。式薦至誠。太祖景皇帝配神作主。尚饗。

德宗皇帝謚冊

權載之

維永貞元年歲次乙酉十月丙申朔。孝孫嗣皇帝臣某。伏惟大行皇帝。德合天地。作人父母。纂承光明。建用皇極。昔在寶曆。武輿戒備。以天自魯。元雍師律。既貞會夾。以各克輝。威命廓開。王塗是登。上嗣乃宅。丕后服藝。祖神宗之大烈。有乳之翼。之至敬。教佑迪摠。尊嚴懿恭。燭明四極。發育萬物。濯沐乎仁澤。澄清乎理本。巍乎建中風聲。與貞觀同符。洎時有侵。疹變生京。數省方履薄。弘陰隲之功。整旅致誅。申震耀之令。鳴誼滅息。侯王軌道。丕冒持載。鏘清砥平。然後明裡。宓祀萬靈。以接翕受。敷施九德。成事含弘。亭毒以致。其和情采。虛受以通。其志政刑。有箴宸衷。辰有銘煥乎文明之化成也。因時剗節。象卦設樂。薰然中和之被物也。納嘉言於近侍。輟已行之詔。疾譖口於宵人。宥過誤之罪。去徽號而約已。正廟祀而尊祖。九譯通道。萬方來庭。實旅焯乎勛籍。夷歌陳於樂府。霜露所墜。車書大同。順氣旁達。天休滋至。慶霄輪囷。德水清激。三辰秉陽。以宣耀。百嘉麗地。而交感。飛走呈祥。宵翹遂

性。在宥天下二十有七年。夫文思光被。陶唐之盛也。備恒忠
利。虞帝之教也。粵穆。周文之業也。聰明神武。漢祖之烈
也。窮古先之大律。極帝者之上儀。方將扈升崇丘。待檢玉謀
奄遺天命。永棄萬方。億兆嗷。哀號靡詰。顧惟冲昧。懼忝孫
謀。君父有命。付茲神器。虔恭貽訓。感慕滋深。今因山既建。同
軌畢至。一二元老。宗工碩生。考稱天之禮。稽節惠之法。式遵
古義。敢薦大名。謹遣攝太尉門下侍郎平章事杜黃裳。謹奉
冊上尊謚曰神武孝文皇帝。廟曰德宗。伏惟聖靈昭格。膺是
典禮。幽贊丕祉。流于無窮。嗚呼哀哉。

文宗皇帝謚冊

李待價名珙拜撰

維開成五年歲次庚申七月乙亥朔十一日乙酉哀弟嗣皇
推洎順人撫運嗣統立極凝旒建大中之道執契弘無為之
化聰明天縱孝敬日新翼承九廟之祭蒸奉三宮之養
以文思光赤縣以武德澄滄海慈儉厚下端莊肅物達聰無
不察黷纒若不知成湯之六事罔憊大禹之九功咸序學無
常師惟恪王是式仁必由己以蒼生為心修雅樂而簫韶成
音戒逸遊而靈囿望幸過外夷之教羈縻殆絕舉中古之典
汪洋勃興宮禁無私恩嬪嬙無侈服每宰臣伏奏卿士宴見
論道何嘗於日肝恤刑已至於歲減大闢諫路深排倖門危
言激訐惟理是聽匪唯納之而又賞之密成貴寵惟法是訓
匪唯誠之而又繩之貞符秘瑞王者之所寶郡國承認寢而
不揚鴻名微號列聖之所重臣寮抗疏約而不受興起儒術
修明祀事刻經誥之琬琰真宗廟之琮璜鷄鳴而起攷於

衆善日入而息，於群書敦叙九族，厚戚藩之恩，協和萬邦，悖戎狄之信，至公不私於天性，體道必從乎人，欲應變懸解，知機如神，日者數逢倏擾，星有謫見，克已脩德，側身勵政，和人心以保乂，謹天戒而來祥，復貞觀之故事，編開元之政，要旌別淑慝，澄清品流，一物失所，必形於辟，容百姓未康，每勞於聖慮，聽政餘力，游藝綠情，探二南之風雅，窮六義之教化，汾水著韶，柏梁變體，腴傳人口，馨香國風，南山崇，京國之望，不列祀典，綿千百年，舉神授職，發自精懇，興雲致雨，響應慶祈，至於出官人放鷲，鳥太官節重，味之膳外，府減外土之貢，開倉賑乏，平糶卹饑，蟲螟不為災，水潦不成沴，日月臨照天地，含弘宥翬，蠶蠕樂生，遂性稽帝王之能，事鄙封疆之虛，羨超邁三五，度越聖賢，絲是四夷，八蠻罔不庭，九州六合罔不順，在宥天下，十有五年，於戲身居九重，心遍四海，日月憂濟時臻，洽平形悴，神勞至于大漸，啓金滕而無驗，憑玉几而有命，顧屬冲昧，丕承寶圖，祇奉神器，不克荷今，因山戒期，復土備禮，痛深手足，哀結精靈，呼天擗標，觸增感夫，謚者行之迹，號者功之表，揀鴻生之議，從公卿庶尹之請，考彼古道，易茲大名，對越昊穹，式揚徽烈，謹遣太尉中書侍郎司中書門下平章事李珣謹奉冊上尊謚曰元聖昭獻孝皇帝，廟號文宗，伏惟睿靈昭格，膺受茂典，陰隲宗社，介福無窮，嗚呼哀哉。

宋

乾德上尊號冊文

范希文

維乾德元年歲次癸亥十一月己酉朔十六日甲子攝太尉

守司徒兼侍中蕭國公臣質守司空平章事臣溥尚書右僕射平章事臣仁浦及內文武臣察馬步諸軍將校藩郡守臣四夷君長縉黃耆艾等七千五百人謹再拜稽首上言曰惟天為大惟堯則之又曰舜有天下無為而理是以古之言道德者莫先於二帝一則曰聰明文思一則曰溫恭澹哲英聲茂實意無欲而自彰景福鴻休心無求而自至魏；蕩；可得而言伏惟皇帝陛下高明博厚宣慈惠和純粹之德全孝友之行著惟精惟一知微知章向者龍尚處於潛淵日未離於暘谷歷試之際志在扶危險阻艱難何往不濟躍馬蹈高平之陣麾戈佐淮河之征喋血塵兵一月三捷勞旋歛至論功莫二洎乎天監厥德用集天命人祇叶應風雨咸若昂運初建國步猶梗始則李筠犯順長戟指關并人連禍寇我北鄙於是有大行之行重進怙亂弃德崇奸幅負千里生民被毒於是廣陵之役千乘萬騎如霆如雷詢彼仇方震疊區宇翠華宵至堅城旦下連平二孽有同符契累朝已來出師誅暴未有若茲之竒速也頃者華風不競中國政微五嶺三江置諸度外殊文異軌六紀于茲肇啓聖謀驅攘寇亂荆湖底定南土晏然燕薊之戎汾晉之孽燕巢幕上朝不謀夕邊事少間理道無壅嚴恭寅畏一日萬機勤於已而泰於人儉於躬而豐於物明四目而高視達四聰而遠聽不侮鰥寡恤天窮也信及豚魚遂物性也惜力念耕耘之苦推食閉介胄之勞法家之流既峻且密乃詔大理重正刑名俾盡哀矜務從寬簡減盜竊之罪緩鹽麴之禁好生之德通于神明若乃昧爽不顯坐而待旦商湯之戒慎也側身損已長轡遠馭

漢文之化導也。循名責實。信賞必罰。建武之法。制也。果敢決斷。從善如流。貞觀之風。烈也。帝王之道。於茲備矣。太平之業。於茲成矣。於是祇見清廟。致其孝享。圓立展禮。對越上玄。一獻而天帝降祉。再獻而神人以和。三獻而萬祿攸報。祥風拂袂。休氣繞壇。熙怡群心。胥悅國家。大慶衆庶。共之肆赦。覃恩俾民更始。與天合道。謂之應天。大無不覆。謂之廣遠。無不至。謂之運博。施濟衆。謂之仁。智周萬物。謂之聖。化成天下。謂之文。保大定功。謂之武。其德無際。謂之至德。臣等不勝大願。謹奉玉冊玉寶。上尊號曰應天廣運仁聖文武至德皇帝。伏惟垂日月之明。監億兆之情。凝旒端委。昭受鴻名。如山嶽之固。如松柏之貞。乾健不息。品物咸亨。承天之祐。萬壽千齡。

尊皇太后冊

歐陽永焄

維治平二年歲次乙巳十一月丁巳朔十有六日壬申。嗣皇帝臣某謹稽首再拜言曰。臣聞昔者明王之以孝治天下者。非家至而日見也。蓋有要道焉。推所以行於己者。為天下率。盡所以奉其親者。為天下先。而四海靡然而承風矣。洪惟有宋受命造邦。百年四聖。而小子獲承之。以繼我仁考之遺休。餘烈方與群公卿士夙夜以思。勉其不逮。庶幾如我仁考付畀之意。以申罔極欲報之心。此固慄慄祇懼。不敢違寧者也。顧惟眇末之質。提攜鞠育。慈仁咻煦。至于有成。自我聖母嗣位之始。哀迷在疚。而憂勤艱難。一日萬務。協和綏靜。保祐扶持。功施邦家。亦惟我聖母永惟至恩。大德無物可稱。是以稽參典禮。率籲群心。合志一辭。懇懇不倦。大願謹遣攝太尉具官韓琦。司徒具官胡宿。奉玉冊金寶。上尊號曰皇太后。

恭惟皇太后聖善明哲柔閑靜專粵自正位中宮內助先帝陰禮脩而教行儉德著而下化遂及萬國先於正家達夫玉几受遺遭時多難勉徇勤請權同聽決而明識遠慮動懷謙畏深鑒漢家母后之失訖不踐於外朝及歸政冲人合於易之進退不失其正之聖是惟全節詎笑固已超出前古而垂法後世宜乎聖烈播于聲詩尊名光於典冊惟末小子獲奉溫清嗚呼殫九州之富以為養未足盡於孝心享萬壽之福而無疆期永承於慈訓臣誠懼誠忤稽首再拜謹言

仁宗皇帝加上徽號冊

王禹玉

維元豐六年歲次癸亥十一月壬寅朔二日癸卯孝孫嗣皇帝臣謹再拜稽首言曰臣伏觀古先哲王莫不大名發於前而大惠昭於後其法皆本於至公而不可易至後世臣子又欲蓋報上之道以謂君德甚盛其言不足以包衆美於是有所列加諡之文夫欲推事存之禮述追遠之志則奉素享之祭號盜新紀之鴻烈謀群公請太室洋洋乎序際天接地而震顯之不亦當靈心而傳古誼乎恭惟仁宗神文聖武明孝皇帝躬清明之資賦神睿之畧乾行施之不息仁性根於自然時乘六飛端御大器知窮八荒而不見其迹澤及萬彙而不居其功爾乃簡拔峻賢放遠邪佞宥恕刑獄懷保鰥寡賞不徇所私罰必當于理興農桑之本務緝禮樂之墜文有慘怛好生之心吏或誤入重辟必終身見斥有寬裕後諫之度言者屢進狂直必曲意見容念兵革之傷夷則不殺而服念稼穡之勤勞則用寧于逸矧履天下之尊而持之以抑畏饗天下之富而寶之以儉素輿馬不聞於游盤鐘鼓不涉於閭燕宮

室亡奢靡之飾器服亡瓌竒之玩加以夙夜齊臬事天之誠
盡霜露怵惕念親之感深方朝廷之久安迺大革因循而聖
政又新為社稷之重計迺前定禍乱而皇嗣蚤立故四十二
年仁恩川流涵濡熏蒸格于上下日月華風雨均四時和百
穀蕃北有獷狁而不能驕西有黠羌而不能軼虫魚遂性自
安川藪之游男女潔誠更趨耕織之樂固有幽遐荒昧之俗
不約而子來竒偉倜儻之瑞不期而特見者矣丕赫我憲度
鴻明聲文沛施自載籍之傳蓋未有休功盛業可加于茲也
重循涼菲永念猷訓今將款清廟陟紫壇遂受厚福以浸黎
元宜于此時臨彤庭發玉版上不敢隳祖宗之典下不敢廢
神民之情如堯如舜如禹如湯豈不高一世之聳而流萬世
之聲哉爰訪上義載揚景鑠謹遣銀青光祿大夫守尚書左
僕射兼門下侍郎上柱國太原郡開國公食邑七千六百戶
食實封二千五百戶王珪奉玉冊玉寶加上徽號曰仁宗體
天法道極功全德神文聖武濬哲明孝皇帝恭惟明德在天
臨受徽稱維億萬年永錫嘉祉謹言

立夏國主冊

維熙寧二年歲次己酉三月戊辰朔十四日辛巳皇帝若曰
於戲昔堯合萬邦而民風和周建列土而王業赫若古中命
蓋國家之成法也咨爾秉常天性純壹飭躬靖虔生稟山川
之靈舊傳口鉞之賜撫有西夏尊于本朝知事君必盡其節
知守國當保其衆乃內發誠素外孚誓言質之天地而不欺
要之日月而不昧朕用稽酌故典表顯徽實錫爾以茅土之
封不為不寵加爾以車服之數不為不榮消辰既良備物既

渥。誕舉不冊以華一方。今遣朝奉郎守尚書司封郎中上輕
車都尉賜紫金魚袋劉航文思副使銀青光祿大夫檢校太
子賓客兼御史大夫騎都尉彭城縣開國伯食邑七百戶劉
恂持節冊命爾為夏國主。為宋藩輔。夫禮謙順者靡不膺長
福。懷驕肆者靡不踵後虐。率身和民時乃之績。往欽。紘。祇。示
一人之彛訓。可不慎歟。

元

皇帝尊號玉冊

姚端甫

維至大二年正月乙酉朔越七日辛卯皇太子中書令樞密
使臣某謹率中外文武百僚頓首頓首謹言昔我世祖既平
炎趙質之於書幅員廣長振古無倫履燾燾之下八紘萬國莫
敢不庭。何獨一王西北岸然。懋道阻脩。方命正朔。德緼之而

不摯。威董之而不驚。夫豈不能聲罪致罰。果入其地。終以聖
仁親其宗親。包荒有年。成宗繼序。慎久。驚頑。大鑒昭明。於裕
皇孫獨異。陛下授以太祖皇帝信寶。撫軍漠北。從固以張足
付神器之本。時未及冠。承命即行。其視萬里莽。闐寒冽之鄉。
不遠不難。如堂適庭。至則獎厲諸君。脩明法制。簡拔果毅。為
苦分勞。解衣煖寒。推食飫飢。洗。汔。士氣日作。虜筭代謀。
待寇歲至。奪人以先。身踐戎行。霆馳電擊。大北其群。虛己不
矜。日慎一日。始終十年。不狃屢勝。狂狡不懲。悉銳來加。當以
選鋒伺間。出音盡襲。輜重枋。徨無歸。度不能軍。耄倪累。降
口百萬。致茲救寧。平四十年未靖之梗。成兩祖宗未究之志。
天下之人。聞其風聲。思覩天光者。顙。勉。九圍一心。握是
乾符。歸正宸極。弛武事之夙習。浴新化以文治。立愛自親。曾

未旬浹上尊太后問安以時下建儲宮庶政是先又舉列聖
未遑之典欽崇元祀玉璫黃流薦裸太室還躡龍輿徘徊太
祖龍旂九旂薊金于斯肇基帝業為城中都又以孔子垂範
百王將二千年而顯謚未稱加大成於至聖文宣王上立勞
于軍與凡庭臣悉大賚之間歲不登既賑既恤虞施未博民
罹罪罟再肆大宥至德難名赫赫魏惟天為大掛一漏萬并
觀如斯求可盡臣下歸美報上者惟是微稱謹奉玉冊玉寶
上尊號曰統天繼聖欽文英武大章孝皇帝欽惟陛下之心
天地立極生民茂對鴻名于億萬年。

皇后冊

王磐

維至元十年歲次癸酉三月甲寅朔十三日丙寅皇帝若曰
天地合德故能履載萬物而不遺日月並明所以照臨六合
而無外至哉夫婦之大義實配陰陽之兩儀浴爾皇后弘吉
烈氏戚里名家无勛貴族備儀率禮令德來嬪自朕奉藩之
初至于踐阼之日明識遠慮裨益宏多雖禘禘正位于長秋
而典冊未光于大禮茲者文臣敷奏寔應朕心今遣攝太尉
中書右丞相安童持節授爾玉冊寶章備物充庭式遵古典
於戲恭順接下九族形雍睦之風儉素相高萬世衍靈長之
福服茲寵命益懋徽猷。

太祖皇帝加上尊號冊

王備

維至大二年歲次己酉某月某日孝曾孫嗣皇帝臣某謹再
拜稽首言伏以恢皇綱廓帝絃建萬世無疆之業鋪宏休揚
偉績遵累朝已定之規式當繼統之元蓋有稱天之誅孝弗
忘于率履制庸謹于加崇欽惟太祖聖文皇帝陛下淵量聖

姿睿謀雄斷沛仁恩而濟屯厄振羈策以馭豪英惟解衣推
食干初年見君國子民之大畧玄符顯握諸部悉平黃鉞載
麾百城隨下裔二蕪收于夏孽餘波克殄于金源蕩乎無
能名迹遠追于湯武灑爾其為訓道允協于唐虞根深峻
獄而維者四馬囊括殊封而統之一也肆予小子承此丕基
兩祗見於太宮恒優臨於端宸祚垂鴻方錫裕尚期昭報之
申牒鏤玉以增輝敢緩彌文之舉謹遣某官某奉玉冊玉寶
加上尊謚曰法天啓運聖武皇帝廟號太祖伏惟威靈昭假
景貺潛臻闡繹吾元與天並久

皇太后冊

陳儼

維至元三十一年歲在甲平十一月丁未朔皇帝臣某謹稽
首再拜言曰惟我國家治道必有所先江愛惟君若
莫加於孝况恩深於鞠我而禮重於正名歷代以來令儀可
考人子之職所在天下之母宜尊恭惟聖母聖善本乎天資
靜專法乎地道上以奉宗祏之重下以叙倫紀之常助我前
人守卷耳憂勤之志保予冲子成思齊離肅之風肆神器之
有歸知孫謀之素定昇付雖由於曆數規模一出於庭闈是
用率籲衆心章明鉅慶不勝拳之大願謹奉冊寶上尊稱曰
皇太后伏惟長信穆之周宗綿之備洛書之錫福絜慈極之
儀天璠圖寶運於萬斯年誠歡誠怍稽首再拜

皇太子冊

閻子靜

皇帝若曰祖宗聖緒恭承不顯之謨兄弟懿親宜正元良之
號立天下之大本示天下以至公咨爾皇太子其德器淵深
英姿玉粹武奮清宮之偉績文參定策之殊勲豈特華萼交

輝之情式相好矣其在鳧鷖守成之治。須汝贊之。故於連枝同氣之間。付以監國撫軍之任。茲上承於母意。蓋允出於朕心。已於六月朔旦。面授爾皇太子金寶。今復遣攝太尉丞相塔思不花持節授爾玉冊。維寵命之荐膺。尚謙恭而自牧。益盡寧親之孝。益動事上之忠。以敦九族內睦之風。以衍億祀無疆之慶。

仁宗皇帝謚冊

張士觀

維延祐七年歲次庚申八月丁未朔粵十日丙辰孝子嗣皇帝臣某謹再拜稽首言。臣聞觀其謚而知其行。著王者之否稱。禋于廟而誄于郊。寔邦家之彛典。雖天地之大莫能擬議。而臣子之情宜極形容。爰體至公式。揚景鑠。欽惟大行皇帝聰明冠古。勇智自天。初大德之陟遐。生內興。於不測。乃從昏

一。獨運聖謨。正神器於幾危。定乾維而重構。豐功盛烈。奮立一時。偉望英聲。揚溢四海。尋被武皇之歷。試納于大麓。以弗迷。由母弟之懿。親膺元良之重。寄取法裕廟主。宅之道隆。奉養東朝。因心之孝。至及嗣。履服益見。猷為月恒日升。廓昭代文明之治。海涵春煦。推聖人博愛之仁。至於敦勸農桑。不啻由獵。每覆奏於庶獄。必惻怛於宸衷。肇設制科。以待天下之士。特旌死節。以勵天下之忠。臨御十年。始終一德。身衛斯文。而不倦人。由其道而莫知克。謹持盈諒多遺。美屬升崇於古。祔用祗薦於鴻名。上以慰在天之靈。下以協造庭之請。是詎剛日。備舉緝儀。謹遣攝太尉某官某。奉玉冊玉寶。上尊謚曰。聖文欽孝皇帝。廟號仁宗。伏冀睿靈俯垂歆鑒。流光有永。錫羨無疆。

英宗皇帝謚冊

袁伯長

伏以瑤圖續緒神已御於昂湖玉冊揚休禮宜陞于太室悼
降年之不永儼立政以如新爰述徽猷以傳信史欽惟大行
皇帝文明天縱剛健日嚴辨奸邪於嗣位之初彤庭祗畏廣
儀注於熙朝之際清廟肅雝絕封勅以杜儉人申憲章以勵
多士罰茲無赦令必惟行軍臨三載而有成知周萬物而莫
隱豈運逢艱否天命靡終然號謹追崇尊名是著謹遣攝太
尉某官某奉玉冊玉寶上尊號曰睿聖文孝皇帝廟號英宗
伏惟炳靈有赫歆祐無違祐于新宮以安以宜

明宗皇帝謚冊

虞伯生

臣聞統必有宗生嘗得以致其讓廟必有主歿思所以尊其
名稽古考文宜天錫誅欽惟先皇帝夙秉勇智惟時元良體
傳次之成言避謳歌而逃出雖身居絕域多歷於歲年而意
動遠人樂為之先後德威孔著未堪大業之艱貞事變匪常
猶閔生靈而慎動庶來蘇於後戴爰賊定以奉迎已謹清宮
俄虛黃屋臣民寡祐永遺惠澤之敷施天日有臨尚想神明
之如在禮嚴升祔誠備顯揚謹遣攝太尉某官某奉玉冊玉
寶上尊謚曰翼獻景孝皇帝廟號明宗伏冀睿慈俯回歆假
克綏丕祚垂裕無疆

文翰類選大成卷之百四十

文翰類選大成卷第一百四十一表目錄

漢

班孟堅三道 孔文舉一道 諸葛孔明二

魏

曹子建一道

晉

李令伯一道 羊叔子一道 劉越石一道 陸士衡一道
庾元規一道 張士然一道 桓元子一道 殷仲文一道

宋

傅季友二道

齊梁

任彦升五道

[Faint bleed-through text from the reverse side of the page, including names like 班固, 孔融, 曹子建, etc.]

唐

房玄齡一道 張道濟一道 高逵夫一道 岑仲華一道
武平一道 顏清臣一道 李翰一道 韓退之二道
柳子厚一道 陸敬輿一道 吳少微一道

文翰類選大成卷第一百四十一表目錄

文翰類選大成卷第一百四十一

左長史上海李伯璣編輯

紀善慈谿馮厚校正

表類

漢

異姓諸侯王表

班孟堅

昔詩書述虞夏之際舜禹受禪積德累功洽於百姓攝位行
政考之于天經數十年然後在位殷周之王乃錄尚稷脩仁
行義歷十餘世至于湯武然後放殺秦起襄公章文繆獻孝
昭嚴稍替蠶食六國百有餘載至始皇廼并天下以德若彼用
力如此其難也秦既稱帝患周之敗以為起於處士橫議
諸侯力爭四夷交侵以弱見奪於是削去五等墮城銷刃并

語燒書內錐雄俊外攘胡粵用壹威權為萬世安然十餘年
間猛敵橫發乎不虞適戎疆於五伯間閭偏於戎狄響應瘠
於誘議奮臂威於甲兵鄉秦之禁適所以資豪傑而速自斃
也是以漢亡尺土之階一劍之任五載而成帝業書傳所
記未嘗有焉何則古世相革皆承聖王之烈今漢獨收孤秦
之弊鑿金石者難為功摧枯朽者易為力其勢然也故據漢
受命譜十八王月而列之天下一統廼以年數訖于孝文異
姓盡矣

諸侯王表

昔周監於二代三聖制法立爵五等封國八百同姓五十有
餘周公康叔建於魯衛各數百里太公於齊亦五侯也
詩載其制曰介人惟藩大師惟和

德惟寧宗子惟城毋俾城壞毋獨斯畏所以親親賢賢
功德關諸盛衰深根固本為不可拔者也故盛則周召相其
治致刑錯衰則五伯扶其弱與共守自幽平之後日以陵夷
至虜院隴河洛之間分為二周有逃責之臺被竊缺之言然
天下謂之共王疆大弗之敢傾歷載八百餘年數極德盡既於
王赧降為庶人用天年終號位已絕於天下尚猶枝葉相持
莫得居其虛位海內無主三十餘年秦據執勝之地騁狙詐
之兵贊喫良山東壹切取勝因務其所習自任私相媢咲三代
盡滅古法竊自號為皇帝而子弟為疋夫內亡骨肉本根之
輔外亡尺土藩翬之衛陳吳奮其白挺劉項隨而斃之故曰
周過其歷秦不及期國勢然也漢興之初海內新定同姓寡
少懲戒亡秦孤立之敗於是剖裂疆土二等之爵功臣侯者

百有餘邑。尊王子弟。大啓九國。自鴈門以東。盡遼陽為燕代。常山以南。太行左轉。度河濟。漸于海。為齊趙。穀泗以徃。奄有龜蒙。為梁楚。東帶江湖。溥會稽。為荆吳。北界淮瀕。略廬衡。為淮南。波漢之陽。巨九嶷。為長沙。諸侯比境。周巾三垂。外接胡越。天子自有三河。東郡。潁川。南陽。自江陵以西。至巴蜀。北自雲中。至隴西。與京師內史凡十五郡。公主列侯。頗邑其中。而藩國大者。夸州兼郡。連城數十。宮室百官。同制京師。可謂播枉過其正矣。雖然。高祖創業。日不暇給。孝惠尊國。又淺。高后女主攝位。而海內晏如。亡狂狡之憂。卒折諸呂之難。成太宗之業者。亦賴之於諸侯也。然諸侯原本以六末流濫。以致遂小者。淫荒越法。大者。睽孤橫道。以害身喪國。故文帝采賈誼之說。自折自此。以來。齊分為六。趙分為六。梁分為五。淮南分為三。皇子始立者。大國不過一。餘城長沙。燕代。雖有舊名。皆亡。南

推恩之令。使諸侯王得分戶邑。以封子弟。不行黜陟。而藩國自折自此。以來。齊分為六。趙分為六。梁分為五。淮南分為三。皇子始立者。大國不過一。餘城長沙。燕代。雖有舊名。皆亡。南此身矣。景遭七國之難。抑損諸侯。減其官武。有衡山。淮南之謀。作左官之律。設附益之法。諸侯惟得衣食稅租。不與政事。至於哀平之際。皆繼體苗裔。親屬疎遠。生於帷牆之中。不為士民所尊。執與富貴。亡異而本朝短世。國統三絕。是故王莽知漢中外。殫微本。亡俱弱。亡所忌憚。生其姦心。因母后之權。假伊周之無賴。作威福。廟堂之上。不降階序。而運天下詐謀。既成。遂據南面之尊。分遣五威之吏。馳傳天下。班行符命。漢諸侯王。厥角節首。奉上璽。駭惟恐在後。或迺稱美頌德。以求容媚。豈不哀哉。是以究其終始。疆弱之變。明監戒焉。

高惠高后文以臣表

自古帝王之興曷嘗不建輔弼之臣所與共成天功者乎漢
興自秦二世元年之秋楚陳之歲初以沛公總帥雄俊三年
然後西滅秦立漢王人號五年東克項羽即皇帝位八載而
天下迺平始論功而足封訖十二年侯者百四十有三人時
大城各都民人散亡六戶口可得而數裁什二三是以大侯不
過萬家小者五六百戶封爵之誓曰使黃河如帶泰山若厲
固以求存爰及苗裔以是申以丹書高其位大其寓參啟飭
盡命賜備厚大孝之隆於是為至至其沒也世主歎其功無
民而不思所息之樹不伐况其廟乎是以燕齊之祀與
周並傳子繼弟及歷載不墮豈無刑辭繇祖之竭力故支庶
賴焉迹漢功臣亦皆割符世爵受山河之誓存以著其號亡
以顯其魂賞亦不細矣百餘年間而襲封者盡或絕失姓或
乏無主朽骨孤於墓苗裔流於道生為愍隸死為轉屍以往
况今甚可悲傷聖朝憐入數年而不省察恐議有不思大義設言虛亡則厚德掩息
遊東布章非所以視化而後也三人為衆雖難盡繼宜從允
功於是成帝復紹蕭何哀平之世增修曹參周勃之屬得其
宜矣以綴續前記究其本末并序位次盡于孝文以昭元功
之侯籍

薦禰衡表

孔文舉

臣聞洪水橫流帝思俾又旁求四方以招賢俊昔世宗繼統
將弘祖業疇咨熙載君士響臻陛下睿聖纂承基緒遭遇厄
運勞謙是久惟岳降神異人並出竊見處士平原禰衡年一

十四字正平。淑質貞高。英才卓犖。初涉藝文。升堂觀奧。目所
一見。輒誦於口。耳所聞。不忘於心。性與道合。思若有神。弘
羊潛計。安世默識。以衡準之誠。不足怪忠。果正直志。懷霜雪
見善若驚。疾惡若讎。任座抗行。史魚厲節。殆無以過也。鵠鳥
累百。不如一鷄。使衡立。明必有可觀。飛辯騁辭。溢氣空洞。解
疑釋結。臨敵有餘。昔賈誼求試。屬國詭係。單于終軍。欲以長
纓牽致。勁越弱冠。慷慨。刑代美之。近日路粹。嚴象亦用異才
擢拜。臺郎。衡宜與為比。不得龍躍天衢。振翼雲漢。揚聲紫微。
垂光虹蜺。足以昭近署之多士。增四門之穆穆。鈞天廣樂。必
有奇麗之觀。帝室皇居。以畜非常之寶。若衡可輩。不可多得。
激楚陽阿。至妙之容。掌持者之所貪。飛兔騶騶。絕足奔放。良
樂之所急也。臣等區區。敢不以聞。陛下篤慎取士。必須劾試。
乞令衡以褐衣召見。必無可觀。采臣等受而收之罪。

出師表

諸葛孔明

臣亮言。先帝創業未半。而中道崩殂。今天下三分。益州罷弊。
此誠危急存亡之秋也。然縉衛之臣。不懈於內。忠志之士。亡
身於外者。蓋追先帝之遇。欲報之於陛下也。誠宜開張聖聽。
以光先帝遺德。恢志士之氣。不宜妄自菲薄。引喻失義。以塞
忠諫之路也。宮中府中。俱為一體。陟罰臧否。不宜異同。若有
作姦犯科。及為忠善者。宜付有司。論其刑賞。以昭陛下平明
之治。不宜偏私。使內外異法也。侍中侍。即郭攸之。費禕。董允
等。此皆良實。志慮忠純。是以先帝簡拔。以遺陛下。愚以為宮
中之事。事無大小。悉以咨之。然後施行。必能裨補闕漏。有所
廣益也。將軍向寵。性行淑均。曉暢軍事。試用於昔日。先帝稱

之曰能。是以衆議舉寵為督，愚以為營中之事，悉以諮之，必能使行陣和穆，優劣得所也。親賢臣，遠小人，此先漢所以興隆也。親小人，遠賢士，此後漢所以傾覆也。先帝在時，每與臣論此事，未嘗不歎息痛恨於相靈也。侍中尚書長史參軍，此悉貞亮死節之臣也。願陛下親之信之，則漢室之隆可計日而待也。臣本布衣，躬耕於南陽，苟全性命於亂世，不求聞達於諸侯。先帝不以臣卑鄙，猥自枉屈，三顧臣於草廬之中，諮臣以當世之事，由是感激，遂許先帝以驅馳。後值傾覆，受任於敗軍之際，奉命於危難之間，爾來二十有一年矣。先帝知臣謹慎，故臨崩寄臣以大事也。受命以來，夙夜憂歎，恐託付不效，以傷先帝之明。故五月度瀘，深入不毛，今南方已定，兵甲已足，當帥將三軍，北定中原，庶竭駑駘，攘除奸凶，興復漢

室，還于舊都。此臣之所以報先帝而忠陛下之職分也。至於斟酌規益，進盡忠言，則攸之禘允之任也。願陛下託臣以討賊興復之效，不效則治臣之罪，以告先帝之靈。若無興德之言，則戮允等以章其慢。陛下亦宜自謀，以咨諏善道，察納雅言。深追先帝，臣不勝受恩感激。今當遠離，臨表涕泣，不知所云。

後出師表

先帝慮漢賊不兩立，王業不偏安，故託臣以討賊也。以先帝之明，量臣之才，故知臣伐賊才弱敵疆也。然不伐賊，王業亦難坐而待亡，孰與伐之。是故託臣而弗疑也。臣受命之日，寢不安席，食不甘味，思惟北征，宜先入南。故五月渡瀘，深入不毛，并日而食。臣非不自惜也，顧王業不可得偏安於蜀都，故冒危難，以奉先帝之遺意。而議者謂為非計，今賊適疲於

西又務於東。兵法乘勞此進趨之時也。謹陳其事如左。高帝明並日月。謀臣淵深。然涉險被創。危然後安。今陛下未及高帝。謙臣不如良平。而欲以長策取勝。坐定天下。此臣之未解一也。劉繇王朗各據州郡。論安言計。動引聖人。羣疑滿腹。衆難塞習。今歲不戰。明年不征。使孫策坐大。遂并江東。此臣之未解二也。曹操智計。殊絕於人。其用兵也。髮髯孫吳。然困於南陽。險於烏巢。危於祁連。偏於黎陽。幾敗北山。殆死潼關。然後偽定。一時爾。況臣才弱。而欲以不危而定之。此臣之未解三也。曹操五攻昌霸。不下。四越巢湖。不成。任用李服。而李服圖之。委任夏侯。而夏侯敗亡。先帝每稱操為能。猶有此失。况臣驚下。何能必勝。此臣之未解四也。自臣到漢中。中間暮年耳。然喪趙雲。陽群馬。玉閭芝。丁立白壽。劉郃鄧銅等。及曲長屯將七

十餘人。突將無前。實與青羌散騎武騎一千餘人。此皆數年之內。所糾合四方之精銳。非一州之所有。若復數年。則損三分之一也。當何以圖敵。此臣之未解五也。今民窮兵疲。而事不可息。事不可息。則任與行勞。費正等而不及蚤圖之。欲以一州之地。與賊持久。此臣之未解六也。夫難平者事也。昔先帝敗軍於楚。當此時。曹操拊手謂天下已定。然後先帝東連吳越。西取巴蜀。舉兵北征。夏侯授首。此操之失計。而漢事將成也。然後吳更違盟。關羽殺敗。穉歸蹉跌。曹丕稱帝。凡事如是。難可逆見。臣鞠躬盡瘁。死而後已。至於成敗利鈍。非臣之明所能逆覩也。

魏

求自試表

曹子建

臣植言。臣聞士之生世。入則事父。出則事君。事父尚於祭親。

事君貴於興國故慈父不能愛無益之子仁君不能畜無用之臣夫論德而授官者成功之君也量能而受爵者畢命之臣也故君無虛授臣無虛受虛授謂之謬舉虛受謂之尸祿詩之素餐所由作也昔一號不辭兩國之任其德厚也旦奭不讓燕魯之封其功大也今臣蒙國重恩三世于今矣正值陛下升平之際沐浴聖澤潛潤德教可謂厚幸矣而位竊東藩爵在上列身被輕煖口厭百味目極華靡耳倦絲竹者爵重祿厚之所致也退念古之受爵祿者有異於此皆以功勤濟國輔主惠民今臣無德可述無功可紀若此終年無益國朝將挂風人彼己之譏是以上慙玄冕俯媿朱紱方今天下一統九州晏如顧西尚有違命之蜀東有不臣之吳使邊境未得稅甲謀士未得高枕者誠欲混同宇內以致大和也故

啓滅有扈而夏功昭成克商奄而周德著今陛下以聖明統世將欲卒文武之功繼成康之隆簡良授能以方叔邵虎之臣鎮衛四境為國爪牙者可謂當矣然而高鳥未挂於輕繳淵魚未懸於鈎餌者恐鈞射之術或未盡也昔取奔不俟光武亟擊張步言不以賊遺於君父也故車右伏劔於鳴轂雍門刎首於齊境若此二子豈惡生而尚死哉誠忿其慢主而陵君也夫君之寵臣欲以除患興利臣之事君必殺身靜亂以功報主也昔賈誼弱冠求試屬國請係單于之頸而制其命終軍以妙年使越欲得長纓占其王羈致比闕此二臣豈好為夸主而耀世俗哉志或鬱結欲逞才力輸能於明君也昔漢武為霍去病治第辭曰匈奴未滅臣無以家為固六憂國忘家捐軀濟難忠臣之志也今臣居外非不厚也而寢不

安席食不遑味者。伏以二方未剋為念。伏見先帝武臣宿兵
年者。即世者有聞矣。雖賢不之世。宿將舊卒。由習戰也。竊不
自量。志在效命。庶立毛髮之功。以報所受之恩。若使陛下出
不世之詔。效臣錐刀之用。使得西屬大將軍。當一校之隊。若
東屬大司馬。統偏師之任。必乘危躡險。騁舟奮鬪。突刃觸鋒。
為士卒先。雖未能禽權賊。直庶將虜。其椎率殲其醜類。必效
須臾之捷。以滅終身之愧。使名挂史筆。事列朝祭。雖身分蜀
境。首懸吳闕。猶生之年也。如微才不試。沒世無聞。徒祭其軀。
而豐其體。生無益於事。死無補於數。虛荷上位。而泰重祿。禽
息鳥視。終於白首。此徒圜牢之養物。非臣之所志也。流聞東
軍失備。師徒小衄。輟食弃餐。奮袂攘袂。撫劔東顧。而心已馳
於吳會矣。臣昔從先武皇帝。極赤岸。東臨滄海。西望玉門。

北出玄塞。伏見所以行軍用兵之勢。可謂神妙矣。故兵者不
可豫言。臨難而制變者也。志欲自效於明時。立功於聖世。每
覽史籍。觀古忠臣義士。出一朝之命。以殉國家之難。身雖屠
裂。而功銘著於景鍾。名稱垂於竹帛。未嘗不拊心而歎息也。
臣聞明主使臣。不廢有罪。故奔北敗軍之將用。秦魯曾以成其
功。絕纓盜馬之臣。赦楚趙以濟其難。臣竊感先帝早崩。威王
奔世。臣獨何人。以堪長久。常恐先朝露填溝壑。墳土未乾。而
身名並滅。臣聞騏驎長鳴。伯樂昭其能。虜狗悲號。韓國知其
才。是以效之齊楚之路。以逞千里之任。試之狡兔之捷。以驗
搏莖之用。今臣志狗馬之微功。竊自惟度。終無伯樂韓國之
舉。是以於邑而竊自痛音也。夫臨博而企竦。聞樂而竊抃者。
或有賞者而識道也。昔毛遂趙之陪隸。猶假錐囊之喻。以寤

主立功。何況巍巍大魏多士之朝。而無慷慨死難之臣乎。夫
自衒自媒者。士女之醜行也。干時求進者。道家之明忌也。而
臣敢陳聞於陛下者。誠與國分形同氣。憂患共之者也。冀以
塵露之微。補益山海。螢燭末光。增暉日月。是以敢冒其醜。而
獻其忠。知必為朝士所笑。聖主不以人廢言。伏惟陛下少垂
神聽。臣則幸矣。

求通親親表

臣植言。臣聞天稱其高者。以無不覆。地稱其廣者。以無不載。
日月稱其明者。以無不照。江海稱其大者。以無不容。故孔子
曰。大哉堯之為君。惟天為大。惟堯則之。夫天德之於萬物。可
謂弘廣矣。蓋堯之為教。先親後疏。自近而遠。其傳曰。克明俊
德。以親九族。九族既睦。平章百姓。及周之文王。亦崇厥化。其
詩曰。刑于寡妻。至于兄弟。以御于家邦。是以雍雍穆穆。風人
詠之。昔周公弔管蔡之不咸。廣封懿親。以蕃屏王室。傳曰。周
之宗盟。異姓為後。誠骨肉之恩。爽而不離。親之義。是在敦
固。未有義而後其君。仁而遺其親者也。伏惟陛下。咨帝唐欽
明之德。體文王翼之仁。惠洽椒房。恩昭九親。群臣日寮。番
休遞上。執政不廢於公朝。下情得展於私室。親理之路。通慶
弔之情。展誠可謂恕已治人。推惠施恩者矣。至於臣者。人道
絕緒。禁錮明時。臣竊自傷也。不敢乃望交氣類。脩人事。叙人
倫。近且婚媾不通。兄弟永絕。吉凶之間。塞慶弔之禮。廢息紀
之遠。甚於路人。隔閼之異。殊於胡越。今臣以一切之制。永無
朝覲之望。至於注心皇極。結清紫闥。神明知之矣。然天實為
之。謂之何哉。退省諸王。常有戚戚具爾之心。願陛下沛然垂

詔使諸國慶問四節得展以叙骨肉之歡息全怡怡之篤義
妃妾之家膏沐之遺或感得再涌齊義於貴宗等惠於百司如
此則古人之所歎風雅之所詠復存於聖世矣臣伏自惟省
無錐刀之用及觀陛下之所拔授若以臣為異姓竊自料度
不後於朝士矣若得辭遠游載武弁解朱組佩青綬駟馬奉
車趣得一號安宅京室執鞭珥筆出從華蓋侍清轂承
聖問拾遺左右乃臣丹情之至願不離於夢想者也遠慕庶
鳴君臣之宴中詠棠棣匪他之誠下思伐木友生之義終懷
蓼我罔極之哀每四節之會塊然獨處左右唯僕隸所對唯
妻子高談無所與陳發義無所與展未嘗不聞樂而拊心臨
觴而歎息也臣伏以為犬馬之誠不能動人譬人之誠不能
動天崩城隕霜臣初信之以臣心沉徒虛語耳若葵藿之傾
葉太陽雖不為之廻光終向之者誠也臣竊自比葵藿若降
天地之施垂三光之明者寔在陛下臣聞文子曰不為福始
不為禍先今之否隔友于同憂而臣獨唱言者何也竊不願
於聖代使有不蒙施之物必有慘毒之懷故栢舟有天只之
怨谷風有弃子之歎伊尹耻其君不為堯舜孟子曰不以舜
之所以事堯事其君者不敬其君者也臣之愚蔽固非虞伊
至於欲使陛下崇光被時雍之美豈組熙章明之德者是臣
懷之之誠竊所獨守寔懷鶴立企佇之心敢復陳聞者冀陛
下儻發天聰而垂神聽也

晉

陳情表

李令伯

臣以險巖夙風遭愆凶生孩六月慈父見背行年四歲舅奪母

志祖母劉閔臣孤弱躬親撫養臣少多疾病九歲不行零丁
孤苦至於成立既無叔伯終鮮兄弟門衰祚薄晚有兒息外
無暮功強近之親內無應門五尺之童榮之才立形影相弔
而劉夙嬰疾病常在牀蓐臣侍湯藥未嘗廢離逮奉聖朝沐
浴清化前太守臣達察臣孝廉後刺史臣榮舉臣秀才臣以
供養無主辭不起會詔書特下拜臣郎中尋蒙國恩除臣充
馬猥以微賤當侍東官非臣墮首所能上報臣具以去聞辭
不就職詔書切峻責臣迫慢郡縣逼迫催臣上道州司臨門
急於星火臣欲奉詔奔馳則以劉病日篤欲苟順私情告
訴不許臣之進退實為狼狽伏惟聖朝以孝治天下允其故
老猶蒙矜育况臣孤苦特為尤甚且臣少事偽朝歷職前署
本圖宦達不矜名節今臣亡國賤辱至微至陋過蒙拔擢豈
敢盤桓有所希冀但以劉日薄西山氣息奄奄人命危淺朝
不慮夕臣無祖母無以至今日祖母無臣無以終餘年母孫
二人更相為命是以區區不能廢也臣密今年四十有四祖
母劉今年九十有六是臣盡節於陛下之日長報劉之日短
也烏足貴乎且臣之辛苦非獨蜀之人士及二州牧
伯所見明知皇天后土實所共鑒願陛下矜愍愚誠聽言微
志庶劉氏保餘年臣生當殫首死當結草臣不勝怖懼
之情謹拜表以聞

讓開府表

羊叔子

詔府辟召儀同

臣祐言臣昨出伏聞恩詔拔臣使同台司臣自出身以來適
十數年受任外內每極顯重之地常以智力不可疆進恩寵
不可久謬夙夜戰懼以深為憂臣聞古人之言德未為衆所

服而受高爵則使才臣不進。功未為衆所歸而荷厚祿則使勞臣不勸。今臣身託外戚事遭運會誠在過寵不患見遺而猥超然降殊中之詔加非次之榮。臣有何功可以堪之。何心可以安之。以身誤陛下。辱高位傾覆亦尋而至。願復守先人弊廬豈可得哉。遺命誠忤天威。曲從即復若此。蓋聞古人申於見知。大臣之節不可則止。臣雖小人敢緣所蒙念存斯義。今天下自朕化已來。方漸八年。雖側席求賢不遺。猶賤然。臣等不能推有德進有功。使聖聽知勝臣者多而未達者不少。假令有遺德於版築之下。有隱才於屠釣之間。而令朝議用臣不以為非。臣處之不以為愧。所失豈不大哉。且臣忝竊雖久。未若今日兼文武之極寵。等宰輔之高位也。臣所見雖狹。據光祿大夫李喜。兼節高亮。正身在朝。光祿大夫魯芝。潔身寡欲。和而不同。光祿大夫李胤。莅政弘簡。在公正色。皆服華髮。以禮始終。雖歷內外之寵。不異寒賤之家。而猶未蒙此選。臣更越之。何以塞天下之望。少益日月。是以誓心守節。無苟進之志。今道路未通。方隅多事。乞留前息。使臣得速還屯。不爾留連。必於外虞。有闕。臣不勝憂懼。謹觸冒拜表。惟陛下察匹夫之志。不可以奪。

勸進表

劉越石

建興五年三月癸未朔十八日辛丑。使持節散騎常侍都督河北并冀幽三州諸軍事。領護軍。匈奴中郎將。司空并州刺史。廣武侯。臣琨。使持節侍中。都督冀州諸軍事。撫軍大將軍。冀州刺史。左賢王。渤海公。臣匹磾。頓首死罪。上書。臣琨。臣匹磾。頓首頓首。死罪死罪。臣聞天生蒸民。樹之以君。所以對越

天地司牧黎元。聖帝明王。鑒其若此。知天地不可以乏饗。食故
屈其身以奉之。知黎元不可以無主。故不得已而臨之。社稷
時難。則戚藩定其傾。郊廟或替。則宗哲纂其祀。所以弘振遐
風。式固萬世。三五以降。靡不由之。臣琨臣匹。碑頓首。乞死罪。死
罪。伏惟高祖宣皇帝肇基皇命。世祖武皇帝遂造區夏。三葉
重光。四聖繼軌。惠澤侔於有虞。卜年過於周氏。自元康以來。
艱禍繁興。永嘉之際。氛厲彌昏。宸極失御。登遐。齊國家之
危。有若綴旒。賴先后之德。宗廟之靈。皇帝嗣建。舊物克甄。誕
授欽明。服膺聰哲。玉質幼彰。金聲夙振。家宰攝其綱。百辟輔
其治。四海想中興之美。群生懷來蘇之望。不圖天不悔禍。大
災荐臻。國未忘難。寇害尋興。逆胡劉曜。縱逸西都。敢肆犬羊。
凌虐天邑。臣等奉表。遠送。仍。去年十一月不守。

上幽劫復沉虜。延神器流離。再辱荒迭。臣每覽史籍。觀之。前
載厄運之極。古今未有。首在食土之毛。含氣之類。莫不叩心
絕氣。行號巷哭。況臣等荷寵三世。位則司承。問靈悼精。災
飛越且悲。且惋。五情無主。舉哀朔垂。上下泣血。臣琨。臣匹。碑頓
首頓首。死罪。死罪。臣聞昏明迭用。否泰相濟。天命未改。歷數有
歸。或多難以固邦國。或殷憂以啟聖明。是以齊有無知之禍。而
小白為五伯之長。晉有驪姬之難。而重耳主諸侯之盟。社稷
靡安。必將有以扶其危。黔首幾絕。必將有以繼其緒。伏惟陛
下玄德。通於神明。聖姿合於兩儀。應命世之期。紹千載之運。
夫符瑞之表。天人有徵。中興之兆。圖讖垂典。自京畿隕喪。九
服崩離。天下踴然。無所歸懷。雖有夏之遘夷。弄宗姬之離大
戎。蔑以過之。陛下撫寧江左。奄有舊章。柔服以德。伐叛以刑。抗

明歲以攝不類。仗大順以肅宇內。純化既敷。則率土宅心。義風旣暢。則遐方企踵。百揆時序於上。四門穆穆於下。昔少康之隆。夏訓以為美談。宣王之興。周詩以為休詠。況茂勳格于皇天。清輝光于四海。蒼生顛然。莫不欣戴。聲教所加。願為臣妾者哉。且宣王之亂。惟有陛下億兆。攸歸。曾無與二。天祚大晉。必將有主。主晉祀者。非陛下而誰。是以邇無異言。遠無異望。謳歌者無不吟詠。微猷獄訟者無不思于聖德。天地之際。旣交華齊。商之情。允洽一角之獸。連理之木。以為休徵者。蓋有百數。竊帶之倫。要荒之衆。不謀而同。辭者動以萬計。是以臣等敢考天地之心。因函夏之趣味。死以上尊號。願陛下存舜禹至公之情。狹巢由抗矯之節。以社稷為務。不以小行為先。以黔首為憂。不以克讓為事。上以慰宗廟。下以順之懷。下以釋傳天願首之望。則所謂生繁華於枯。茂育豐肌於朽骨。神人獲安。無不幸甚。臣現。臣匹。殫頓首頓首。死罪死罪。臣聞尊位不可久。虛萬機不可久。曠虛之一日。則尊位以殆。曠之浹辰。則萬機以亂。方今鍾百王之季。當陽九之會。狡寇窺奔。伺國瑕隙。齊人波蕩。無所繫心。安可以廢而不恤哉。陛下雖欲遠處其若宗廟。何其若百姓。何昔惠公虜秦。晉國震駭。呂卻之謀。欲立子圉。外以絕敵人之志。內以固闔境之情。故曰。喪君有君。群臣輯穆。好我者勸。惡我者懼。前事之不忘。後代之元龜也。陛下明並日月。無幽不燭。深謀遠慮。出自曾懷。不勝犬馬憂國之情。逵觀人神。開秦之路。是以陳其乃誠。布之執事。臣等各忝守方。任職在遐。外不得陪列闕庭。共觀盛禮。踊躍之懷。南望罔極。謹上臣現謹遣兼左長史右司馬臣溫嶠主簿臣辟

間訓臣禪遣散騎常侍征虜將軍清河太守領右長史高平
亭侯臣榮劭輕車將軍關內侯臣郭穆奉表臣琨臣匹碑等
頓首頓首死罪死罪

謝平原內史表

陸士衡

陪臣陸機言。今月九日。魏郡太守遣兼丞張含賁。校詔書印
綬。假臣為平原內史。拜受祗竦。不知所裁。臣本出自敵國。世
無先臣豐功之効。才非丘園耿介之秀。皇澤廣被。惠濟無遠。
擢自羣萃。累蒙榮進。入朝九載。歷官有六。身登三閣。官成兩
宮。服冕乘軒。仰齒貴游。振景拔迹。顧邈同列。施重山岳。義足
灰沒。遭國顛沛。無節可紀。雖蒙曠湯。臣獨何顏。俛首頓膝。憂
愧若厲。而橫為故齊王冏所見。枉陷誣臣。與眾人共作禪文。
幽慝因匿。當為誅始。臣之微誠。不負天地。倉卒之際。慮有逼
迫。乃與弟雲。交散騎侍郎袁瑜。中書侍郎馮熊。尚書右丞崔
基。廷尉正顧榮。汝陰太守曹武。思所以獲免。陰蒙避迴。崎嶇
自列。片言隻字。不關其間。事蹤筆跡。皆可推按。而一朝翻然。
更以為罪。最爾之生。尚不足矣。區區本懷。實有可悲。畏逼天
威。即罪。惟謹。鉗口結舌。不敢上訴。所天莫大之。曩日經聖聽
肝血之誠。終不一聞。所以臨難慷慨。而不能不恨。恨者。唯此
而已。重蒙陛下愷悌之宥。迴霜收電。使不隕越。復得扶老攜
幼。生出獄戶。懷金拖紫。退就散輩。感息惟谷。五情震悼。踴天
踏地。若無所容。不悟日月之明。遂垂曲照。雲雨之澤。播及朽
瘁。忘臣弱才。身無足采。哀臣零落。罪有可察。苟削丹書。得夷
平民。則塵洗天波。謗絕衆口。臣之始望。尚未至是。猥辱大命。
顯授符虎。使春枯之條。更與秋蘭。垂芳陸沉之羽。復與翔鴻。

撫翼雖安國免徒起紆青組張敞亡命坐致朱軒方臣所荷未足為泰豈臣蒙垢含各所宜忝竊非臣毀宗夷族所能上報喜懼參并悲慙哽結拘守常憲當便道之官不得束身奔走稽顙城闕瞻係天衢馳心輦轂臣不勝屏營延仰謹拜表以聞

讓中書令表

庾元規

臣亮言臣凡庸固陋少無檢操昔以中州多故舊邦喪亂隨侍先臣遠在道爰客逃難求食而已不悟邀時之福遭遇嘉運先帝龍興垂異常之顧既眷同國士又申之婚姻遂階親寵累忝非服菊冠濯纓沐浴玄風頻繁省闕出領六軍十餘年間位超先達無勞被遇無與臣比小人祿薄福過災生止足之分臣所宜守而偷榮昧進日爾一日謗讟既集上塵

聖朝始欲自聞而先帝登遐區區微誠竟未上達陛下踐祚聖政維新宰輔賢明殘察咸允康哉之歌實在至公而國恩不已復以臣領中書則示天下以私矣何者臣於陛下后之兄也姻婭之嫌實與骨肉中表不同雖太上至公聖德無私然世之喪道有自來矣悠悠六合皆私其姻者也人皆有私則謂天下無公矣是以前後二漢咸以抑后黨安進婚族危向使西京七族東京六姓皆非姻黨各以平進縱不悉全決不盡敗今之盡敗更由姻昵臣歷觀度姓在世無黨於朝無援於時植根之本輕也薄也苟無大瑕猶或見容至於外戚憑託天地勢運四時根援扶踈重矣大矣而財居權寵四海側目事有不允罪不容誅身既招殃國為之弊其故何耶自由婚媾之私羣情之所不能免故率其所嫌而嫌之於國是

以疏附則信。如進則疑。積於百姓之心。則禍成重闔之內矣。此皆往代成監。可為寒心者也。夫萬物之所不通。聖賢因而不奪。冒親以求一才之用。未若防嫌以明公道。今以臣之才。兼如此之嫌。而使內憂心。外怒兵權。以此求治。未之聞也。以此招禍。可立待也。雖陛下二相明其愚。款朝士百寮。頗識其情。天下之人。何可門到戶說。使皆坦然耶。夫富貴寵榮。臣所不能忘也。刑罰貧賤。臣所不能甘也。今奉命則愈違。命則苦。臣雖不達。何事背時。違上。自貶。患責。哉。仰覽殷鑒。量已知。敝身不足惜。為國取侮。是以慳。屢陳丹款。而微誠淺薄。未垂察諒。憂惶屏營。不知所厝。以臣今地。不可以進明矣。且違命已久。臣之罪。又積矣。歸骸私門。以待刑書。願陛下垂天地之鑒。察臣之愚。則雖死之日。猶生之年矣。

為吳令謝詢求為諸孫置守塚人表

張士然

名俊。吳國人。太子庶子。

臣聞成湯革夏而封祀。武王入殷而建宋。春秋征伐。則晉脩虞祀。燕祭齊廟。夫一國為一人興。先賢為後愚。發誠仁聖所哀悼。而不忍也。故三王敦繼絕之德。春秋重伐叛之義。昔漢高受命。追存六國。凡諸絕祚。一時並祀。親與項羽對名。存亡遠邇。羽之死。臨哭其喪。將以位尊。侔尊。力嘗均勢。雖功奪其成。而恩與其敗。且暴興疾顛。禮之若舊。殘戮之尸。乃以公葬。若使羽位承前緒。世有哲王。一朝力屈。全身從命。則楚廟不墜。有後可冀。伏惟大晉。應天順民。武成止戈。西戎有即序之人。京邑開吳蜀之館。興滅加乎萬國。繼絕接于百世。雖三五弘道。商周稱仁。洋洋之美。未足以喻。是以孫氏雖家。失吳祚。而

族蒙晉榮子弟量才比肩進取懷金侯服佩青千里當時受
恩多有過望臣聞春雨潤木自葉流根鳴鴉恤功愛子及室
故天稱罔極之恩聖有綢繆之惠追惟吳為武烈皇帝遭漢
室之弱值亂臣之彊首唱義兵先衆犯難破董卓於陽人濟
神器於甄井威震群狡名顯往朝柏王才武弱冠承業招百
越之士奮鷹揚之勢西赴許都將迎幼主雖元勳未終然至
忠已著夫家積義勇之基世傳扶危之業進為徇漢之臣退
為開吳之主而蒸嘗絕於二葉園陵殘於新宋臣竊悼之伏
見英平之初明詔追錄先賢欲封其墓愚謂二君並宜應書
故舉勞則力輸先代論德則惠存江南正刑則罪非晉寇從
坐則異世已輕若列先賢之數蒙詔書之恩裁加表異以寵
亡靈則人望克厭誰不曰宜二君私奴多在墓側今為平民
乞差五人蠲其徭役使四時修護頽毀掃除坐壟永以為崇

薦譙元彥表

桓元子

名溫譙國
人大司馬

臣聞太朴既勸則高尚之標顯道喪時昏則忠貞之義彰故
有洗耳投淵以振玄邈之風亦有秉心矯跡以敷在三之節
是故在之君莫不崇重斯軌所以篤俗訓民靜一流競伏惟大
晉應符御世運無常通時有屯蹇神州丘墟三方地裂兔置
絕響於中林白駒無聞於空谷斯有識之所悼心大雅之所
歎息者也陛下聖德嗣興方恢天緒臣昔奉役有事西土鯨
鯢既懸思宣大化訪諸故老搜揚潛逸庶武羅於羿浞之墟想
王蠋於亡齊之境竊聞巴西譙秀植操貞固抱德肥遯揚清
涓波于時皇極遘道消之會群黎蹈顛沛之艱中華有顧瞻
之哀幽谷無遷石高之望凶命屢招奸威仍逼身寄虎吻危同

朝露而能抗禦王立誓不降辱杜門絕跡不面偽庭進免龔
勝亡身之禍退無薛方詭對之譏雖園綺之棲商洛管寧之
默遼海方之於秀殆無以過乎今西土以為美談夫旌德禮
賢化道之所先崇表殊節聖語之上務方今六合未康豺豕
當路遺黎偷薄義聲不聞益宜振起道義之徒以敦流遜之
敝若秀蒙蒲帛之徵足以鎮靜頽風軌訓囂俗幽遐仰流九
服知化矣

解尚書表

殷仲文

桓溫
啓也

臣聞洪波振壑川無恬鱗驚飈拂野林無靜柯何者勢弱則
受制於巨力質微則莫以自保於理雖可得而言於臣寔所
敢喻昔桓玄之世誠復驅迫者衆至於愚臣罪實深矣進不
能見危授命忘身殉國退不能辭粟首陽拂衣高謝遂乃安
安昏寵叨昧偽封錫文篡事曾無獨固名義以之俱淪情
自茲兼撓宜其極法以判忠邪鎮軍臣裕臣復社稷大弘善
貸佇一戮於微命申三驅於大信既惠之以首領復引之以
繫維于時皇輿否隔天人未泰用忘進退唯力是視是以僣
俛從事自同全人今宸極反正惟新告始憲章既明品物思
舊臣亦胡顏之厚可以顯君榮次乞解所職待罪私門謹謝
闕庭乃心愧戀謹拜表以聞

宋

為宋公至洛陽謁五陵表

傅季友

臣裕言近振旅河湄揚旌西邁行屆舊京威懷司雍河流湍
疾道阻且長加以伊洛榛蕪津塗久廢伐木通徑淹引時月
始以今月十二日次故洛水浮橋山川無改城闕為墟宮廟

隨頌鍾簷空列觀宇之餘鞠為禾黍。塵里蕭條鷄犬罕音。感
舊永懷。痛心在目。以其月十五日。奉謁五陵墳塋。坐幽淪百年
荒翳。天衢開泰。情禮獲申。故老掩涕。三軍悽感。瞻拜之日。憤
慨交集。行河南太守毛脩之等。既開荆棘。繕脩毀垣。職司
既備。蓄衛如舊。伏惟聖懷。遠慕兼慰。不勝下情。謹遣傳詔殿中
中郎臣某。奉表以聞。

為宋公求加贈劉前軍表

臣聞崇賢旌善。王化所先。念功勤勞。義深追遠。故司勳秉策
在勤。必記德之休明。沒而彌著。故尚書左僕射前軍將軍臣
劉彥之。爰自布衣。協佐義始。內竭謀猷。外勤庶政。密勿軍國
心力俱盡。及登庸朝右。尹司京畿。敷讚旨揆。翼新大猷。頃戎
車遠役。君中作捍。撫寧之勲。實洽朝野。識量局致。棟幹之器。

也。方宣讚盛化。緝隆聖世。志績未究。遠邇悼心。皇恩爽述。班
同三事。榮哀既備。寵靈已泰。臣伏思尋自義熙草創。艱患未
弭。外虞既殷。內難亦存。時屯世故。靡有寧歲。臣以寡劣。負荷
國重。實賴穆之匡翼之勲。豈唯謹言嘉謀。益于民聽。若乃忠
規密謨。潛慮帷幕。造膝詭辭。莫見其際。事隔於皇朝。功隱於
視聽者。不可勝記。所以陳力一紀。遂克有成。出征入輔。幸不
辱命。微夫人之左右。未有寧濟其事者。履謙居寡。守之彌固。
每議及封爵。輒深自抑。絕所以勲高當宰。而茅土弗及。撫事
永念。胡寧可昧。謂宜加贈正司。追甄土宇。俾忠貞之烈。不泯
於身後。大賚所及。永秩於善人。臣契闊屯夷。旋觀終始。金蘭
之分。義深情感。是以獻其乃懷。布之朝聽。所啓上合。請付外
詳議。

齊梁

為齊明皇帝作相讓宣城郡公第一表

任彦升

臣鸞言被臺司召以臣為侍中中書監驃騎大將軍開府儀
同三司揚州刺史錄尚書事封宣城郡開國公食邑三千戶
加兵五千人臣本庸才智力淺短太祖高皇帝篤猶子之愛
降家人之慈世祖武皇帝情等布衣寄深同氣武皇大漸實
奉話言雖自見之明庸近所蔽愚夫一全偏識量已實不忍
自固於綴衣之辰拒違於玉几之側遂荷顧託導揚末命雖
嗣君奔常獲罪宣德王室不造職臣之由何者親則東牟任
唯博陸徒懷子孟社稷之對何救昌邑爭臣之譏四海之議
於何逃責且陵土未乾訓誓在耳家國之事一至於斯非臣
之尤誰任其咎將何以肅拜高寢震奉武園卓心失圖泣血
待曰寧容復徽祭於家恥宴安於國危驃騎將之元勳神
州儀刑之列岳尚書古稱司會中書實管上言且虛飾寵章
委成禦侮臣知不恆物誰謂宜但命輕鴻毛責重山岳存沒
同歸毀譽一貫辭一官不減身累增一職已黷朝經便當自
同體國不為飾讓至於功均一匡賞同千室光宅近甸奄有全
邦隕越為期不敢聞命亦願曲留降鑿即垂順許鉅平之懇
誠彌固永昌之丹慊獲申乃知君臣之道綽有餘裕苟曰易
昭敢守難奪故可疚心弘議酌已親物者矣不勝荷懼屏營
之誠謹附某官某甲奉表以聞

為范尚書讓吏部封侯第一表

臣雲言被尚書召以臣為散騎常侍吏部尚書封霄城縣開
國侯食邑千戶奉命震驚心顏無措臣雲臣素門兄流輪翻

無取進謝中庸退慙狂狷固嘗鑽厲求學而一經不治篆刻
為文而二冬靡就負書與魏空殫菽粟躡屩齊楚徒知貧賤
既而分虎出守以囊被見嗤持斧作牧以意艾興謗赭衣為
虜見獄吏之尊除名為民知并白之逸百年上壽既曰徒然
如其誠說亦以過年亂離斯瘼欲以安歸閉門荒郊再離寒
暑兼以東臯數畝控帶朝夕關外一區悵望鍾阜雖室無趙
女而門多好事祿微賜金而歡同娛老折艾燔枯此焉自足
陛下應期萬世接統千祀三千景附八百不謀臣屢等離心功
慙同德泥首在顏輿棺未毀締構草昧敢叨天功獄訟謳歌
示同民志而隆器大名一朝惣集顧已及躬何以臻此政當
以接開白水列宅舊豐忘捨講之尤存諸公之費俯拾青紫
豈待明經臣雲天銓衡之重關諸隆替遠惟則哲在帝猶難
漢魏以降達識繼軌雅俗所歸唯稱許郭技十得五尚曰
有其餘得失未聞馮察童幼天機暫發顧無足算在魏則
玠公方居晉則山濤識量必臣况之一何遼落齊季陵遲官
方清亂鴻都不綱西園成市金章有盈筭之談華貂深不足
之歎草創惟始義存改作恭已南面責成斯在豈宜妄加寵
私以之正事附蟬之飾空成寵章求之公私授受交失近世
侯者功緒參差或足食閔中或成軍河內或制勝帷幄或門
人加親或與時抑揚或隱若敵國或策定禁中或功成野戰
或盛德如卓茂或師道如相榮或四姓侍祀已無足紀五侯
外戚且非清章而臣之所附唯在恩澤既義異疇庸實榮車
儒者雖小人貪幸豈獨無心臣本自諸生家承素業門無富
貴易農而仕乃祖玄平道風秀世爰在中興儀刑多士位裁

元凱任止。彼伯高祖少連。夙秉高尚。所富者義。所乏者時。薄宦東朝。謝病下邑。先志不忘。愚臣是庶。且去歲冬初。國學之老博士。且。今茲首夏。將亞豕司。雖千秋之一日。九遷荀爽之十旬。遠至方之微臣。未為速達。臣雖無識。唯利是視。至於虧名損實。為國為身。知其不可。不敢妄冒。陛下不棄管蒯。愛同絲麻。儻平生之言。猶在聽覽。宿心素志。無復貳辭。矜臣所乞。特廻寵命。則尋章載穆。微物知免。臣今在假。不容詣省。不任荷懼之至。謹奉表以聞。

為蕭揚州作薦士表

臣王言。臣聞求賢。軒日勞。垂拱求逸。方之疏濬。須導川伏。惟

坐下一。充符。六飛同塵。五。白駒空谷。振

製於一孤。諒求味於兼采。而五聲。階響九工。是詢寢議。商

借聽輿阜。臣位任隆重。義兼家邦。實欲使名實不違。激津路

絕。勢門上品。猶當格以清談。英俊下僚。不可限以位貌。竊見

祕書丞琅邪臣王暕。年二十一。字思晦。七葉重光。海內冠冕。

神清氣茂。允迪中和。叔宝理遣之談。彥輔名教之樂。故以暉

映先達。領袖後進。居無塵雜。家有賜書。辭賦清新。屬言玄遠。

室。邇人曠物。踈道親養。素立園台。階虛位。庠序公朝。萬夫傾

望。豈徒荀令可想。李公不亡而已哉。前晉安郡候官令東海

王僧孺。年三十五。理尚棲約。思致恬敏。既筆耕為養。亦傭書

成學。至乃集螢映雪。編蒲緝柳。先言往行人物。雅俗甘泉。遺

儀。南宮故事。畫地成圖。抵掌可述。豈直鼯鼠有必對之辯。竹

書無落簡之謬。陳坐鎮雅俗。弘益已多。僧孺訪對不休。質疑斯

舒之亡。亦從班列。而既略既泯。故首冒嚴科。為之者竟免刑。戮置之者。反蒙嘉歎。至於道被如仁。功參微管。本宜在常均之外。故太宰瀾丞相。疑親賢並軌。即為成規。乞依二公前例。賜許刊立。寧容使長想九原。推蘇固識。其禁驛蹕長陵。轡軒不知所適。臣里閭孤賤。才無可甄。值齊網之弘。地賓客之禁。策名委質。忽焉二紀。慮先犬馬。厚息不答。而弊帷毀蓋。未葺樓犧。珠襦玉匣。遽飾幽泉。陛下弘獎名教。不隔微物。使臣得駿奔南浦。長號北陵。既由逢前。施實仰觀。後澤僅驗。杜預山頭之言。庶存馬駮必拜之感。臨表悲懼。言不自宣。

唐

諫重討高麗表

房玄齡

臣聞兵惡不戢。武貴止戈。當今聖化所覃。無遠不暨。上古所不臣者。陛下皆能臣之。所不制者。皆能制之。詳觀古今。為中國患害。無過突厥。遂能坐運神策。不下殿堂。大小可汗。相次束手。分典禁衛。執戟行間。其後延陀。鴟張。尋就夷滅。鐵勒慕義。請置州縣。沙漠已北。萬里無塵。至如高昌。叛渙於流沙。吐渾。首窺於積石。偏師薄伐。俱從平蕩。高麗歷代。逋誅莫能討。擊陛下。責其逆亂。殺主虐民。親總六軍。問罪遼碣。未經旬日。即拔遼東。前後虜獲。數十萬計。分配諸州。無處不滿。雪往代之宿耻。掩嶠陵之枯骨。比功校德。萬倍前王。此聖主所自知。微臣安敢備說。且陛下仁風被于率土。孝德彰於配天。觀夷狄之將亡。則指期數歲。授將帥之節度。則決勝萬里。屈指而候驛。視景而望書符。應若神筭。無遺策。擢將於行伍之中。取士於凡庸之末。遠夷單使。一見不忘。小臣之名。未嘗再問。箭

穿七札。子貫六鈞。加以留情墳典。屬意篇什。筆萬鍾張。詞窮
貫馬交鋒。旣振則宮徵自諧。輕翰翬飛。則花葩競發。撫萬姓
以慈。遇群臣以禮。褒秋毫之善。解吞舟之網。逆耳之諫。必聽。
膚受之愬。斯絕。好生之德。禁障塞於江湖。惡殺之仁。息鼓刀
於屠肆。鳧鶴荷稻梁之惠。犬馬家性。蓋之息。降尊吃思。摩之
瘡。登堂臨謁。徵之極。哭戰亡之卒。則哀動六軍。負填道之薪。
則情感天地。重黔黎之大命。特盡心於庶獄。臣心識昏憤。豈
足論聖功之深遠。談天德之高大哉。陛下兼衆美而有之。靡
不備。具微臣深為陛下情之重。受之寶之周。易曰。知進而
不知退。知存而不知亡。知得而不知喪。文曰。知進退存亡而
不失其正者。其惟聖人乎。由此言之。進有退之義。存有亡之
機。得有喪之理。老臣所以為陛下惜之者。蓋謂此也。老子曰。
知足不辱。知止不殆。臣謂陛下威名功德。亦可足矣。拓地開
疆。亦可止矣。彼高麗者。遠夷賤類。不足待以仁義。不可責以
常理。古來以魚鼈畜之。宜從閭略。必欲絕其種類。深恐獸窮
則搏。且陛下每決死囚。必令三覆五奏。進素食。停音樂者。蓋
以人命所重。感動聖慈也。况今六士之徒。無一罪戾。無故驅
之於戰陣之間。委之於鋒刃之下。使肝腦塗地。魂魄無歸。令
其老父孤兒。寡妻慈母。望輜車而掩泣。抱枯骨而摧心。足亦
動陰陽。感傷和氣。實天下之冤痛也。且兵凶器。戰危事。不得
已而用之。尚使高麗遺失臣節。而陛下誅之可也。侵擾百姓。
而陛下滅之可也。久長能為中國患。而陛下除之可也。有一
於此。雖日殺萬夫。不足為媿。今無此三條。坐煩中國。內為舊
主雪怨。外為新羅報讎。豈非所存者小。所損者大。願陛下遵

皇祖老子止足之誠以保萬代魏之名發霈然之恩降寬大之詔順陽春以布澤許高麗以自新焚凌波之船罷應募之衆自然華夷慶賴遠肅邇安臣老病三公朝夕入地所恨竟無塵露微增海岳謹罄殘魂餘息豫代結草之誠儻蒙錄此哀鳴即臣死骨不朽也

進渾儀表

張道濟

臣聞迎日授時莫先於曆象先天成務必歸於製作伏惟開元神武皇帝陛下建中立極締武經文至德難名神功莫測於是定曆成歲立象考天紹唐堯欽若之典遵虞舜稽五之義上皇能事於斯備矣臣書院先奉敕造游儀以測上耀盈縮去年六月造畢進奏又奉恩旨更立渾儀臣等准敕令左衛率府長史梁令瓚檢校創造於是博考傳記精有張衡陸績王蕃錢樂之等並造斯器雖渾儀有象而不能運行事非經久旋亦毀廢臣今按據典故鑄銅為儀圓以象天使得俯察上具列宿赤道周天度數注水激輪令其自運一日一夜天轉一周又別立二周輪絡在天外綴以日月令得運行每轉一匝日行一度月行十二度十九分度之七凡二十九轉有餘而日月會三百六十五轉而行匝仍置木櫃以為地平令儀半在地上半在地下晦明朔望不差毫髮又立二木人於地平之上前置鍾鼓以候辰刻每一刻則自然擊鼓每一辰則自然撞鐘皆於櫃中各施輪軸鈎鍵交錯閉鎖相持轉運雖周而遲速各異周而復始循環不息陰陽不能逃其數度分不能隱其時究天地之幹運極乾坤之變化斯皆上禀

聖謨旁獲神助臣等愚思昔所不能及望錄付史館宣示百

察使知告成之功。迥超前古。無任勤懇之至。謹隨表上進以聞。

為東平薛太守進王氏瑞詩表

高達夫

臣某言符瑞之興實由王政歌詩之作本自國風伏見范陽盧某母卿耶王氏性合希夷體於靜默精微道本馳騫玄閑旁通天地之心預紀休徵之盛去景龍二載撰天寶迴紋詩凡八百一十二字循環有數若寒暑之遞遷應亦無窮謂陰陽之莫測誠其子曰吾沒之後爾密記之當逢大道之朝必遇非常之主則真圖之製便可上言君親之義不違犬馬之誠斯在臣早識其子嘗與臣言星霜屢移書奏仍闕以歲月滋久旨趣幽微况吟耳目之前倏忽禎祥之後伏惟皇帝陛下乘道御極乃聖興化參日月之並明體乾坤而同德梯航

萬里爭飲溥和之風臣妾四夷盡歸仁壽之域今陛下務於道道可盡乎法於天天寶長久是知與道齊運比天同休無疆之徵乃在茲矣則天授之美其可替乎章句粲然所謂沒而不朽者也臣某誠惶誠恐頓首頓首昔漢幸甘泉且昧神君之語周窮轍跡徒稱王母之謠豈若迥出名言高懸響像應皇王之丕命運宮商於景福且夫靈芝嘉禾以草木之瑞尚有頌聲方之真圖彼未為得特望編之史策列在樂章則陛下先於天而聽於人也臣才術淺劣謬忝藩條曾微涓塵以答萬一恒馳北極每切子牟之戀遙奉南山願效封人之祝

為敬暉等論武氏宜削去王爵表

岑仲華

臣暉等言臣聞神器者天下之至公必歸乎有德皇極者域中之大寶必順乎天命歷考前古詳觀帝業皆不並興莫不

夏王故三皇氏沒而五帝氏興。夏殷氏衰而周漢氏作。何則
帝王之曆數必應乎五行。水盛則火衰。木衰則金盛。天地之
運也。必合乎四時。春往則夏來。暑退則寒集。則知五行之數
帝王不可遠。遠之則宗社不安。生人不理。四時之序。天地不
能變。變之則霜露不均。水旱交錯。自有隋失御。海內崩離。天
曆之重。歸于唐室。萬方樂業。荷撥亂之功。三聖重光。布生成
之德。可謂有功於四海。有德於蒸人。自私道過密。生靈降福。百
姓哀號。如喪考妣。則天皇帝。臨御帝圖。明目達聰。躬親庶績。
則有讒邪凶孽。誣惑敷德。構害宗枝。誅夷殆盡。英藩賢戚。百
不存一。餘類在者。投竄荒裔。酷虐人神。感傷天地。忠臣義士
實其所痛心。自天授之際。僭稱改革。武家子姪。咸樹封建。十餘
年間。實亦樂極。時唐室藩屏。豈得並封。故知事有異。時使
然也。令則天皇帝。厭倦萬務。神器大寶。重歸陛下。百姓謳歌。
欣復唐業。上至卿士。下及蒼生。黃髮之倫。童兒之輩。莫不歡
欣舞抃。如見父母。豈不以唐家恩德。感幽祇之心。陛下仁明。
順天下之約。王令皇業重構。聖祚中興。神祇之道。有助於先德矣。
黎人之誠。無負於陛下矣。臣又聞之。業不兩盛。事不兩大。故天
無二日。土無二王。前聖之格言。先哲之明誡。自皇明反正。天命
惟新。武家諸王。封建依舊。生者既加茅土。死者仍追賦邑。萬姓
失望。卿士寒心。何則。開闢已來。罕有斯理。帝王之道。實無此
法。陛下縱欲開恩。以行私惠。豈可遠五行運曆乎。幸四時寒
暑乎。又海內衆情。朝廷痛議。謂武氏諸王。身計亦危。適將有
損。何處之未得其所。居之實恐不安。陛下雖欲寵之。翻乃陷
之不遵。古典故也。且唐曆有歸。周命已去。爵重則難保。祿薄

則易全。又則天皇帝親政之時。武氏諸王亦分外職。今並居
京輦。不降舊封。天下之心。竊將不可。陛下縱欲敦崇外戚。曲
流恩貸。柰宗廟社稷之計何。柰卿士黎人之議何。伏願陛下
為社稷之遠圖。言私情之小愛。內崇經邦之要。外順遐邇之
心。豈不固宗廟之本。允人靈之願。則陛下魏之業。貫三光
而洞九泉。親之義。上有倫而下有序。臣等特承榮寵。思竭
丹衷。既為唐臣。實為唐計。伏乞聖慈。俯垂矜納焉。

請抑損外戚權寵并乞佐外郡表 武平一

臣平一言。緣修起居注太史監。每季有牒。臣伏見從去歲已
來。屢有災異。熒惑入羽林。太白再經天。太陽虧月。犯大角。臣
伏按舊史文志。咸非休吉之感。或為咎徵之兆。臣聞災不妄
發。變不虛設。象見於上。人應於下。其理昭彰。有如影響。陛下

嗣膺鴻業。夙畏上玄。故皇天不言。以災管譴。誠詩曰。敬
怒不敢驅馳。又曰。維此文王。小心翼翼。昭事上帝。聿懷多
臣。伏見陛下孝愛因心。敦崇戚族。澤濡后氏。恩合外家。位以
慈周。榮因惠假。臣當宗親。階越三等。家有數矣。既忝國姻。復
叨枝屬。朱輪華轂。金榜瑤簪。過東漢之梁鄧。邁西京之許史。
光輝焜煌。古今所絕。誠陛下睦於親寵。降於慈貸。臣未息機
謀。深近囂黷。恩彌崇而議彌積。位逾厚而豐逾擁。臣又聞月
滿必虧。日盈則蝕。春秋有交謝之理。星律有輪環之次。時不
再來。榮難久藉。昔永淳之後。藩維構孽。王室多難。先聖考運從
權。時居寶曆。臣諸房等地。惟宗子爵列。扞城竊祿。疏封屢廻。
星紀。令皇明復辟。聖政惟新。自合恭守園廬。遙承雨露。庇影
板房之末。階親槐里之餘。今乃再假寵靈。驟貽獎渥。如從日

茂爵封如初。但見昇崇無聞損降。高班厚位。遂超涯極。以此或陰氣借陽。乾文告變。且頃年已來。河洛汎溢。東都西京。俱有水潦。蓋以陰氣太盛所致。昔王家麟。貴梅福上書。竇氏專權。丁鴻進諫。臣伏思古來后妃之始。自呂霍上官閹董之氏。皆以恩寵過深。驕盈僭溢。一朝傾覆。竟無噍類。易曰。不遠而復。又曰。鼎折足。覆公餗。伏願思抑損之宜。運長遠之策。或令安車就第。使剖符臨州。遠之以機。權錫之以閑。逸上恭乾乾之惕。下全親之道。則肅彰國圖。殷鑒後葉。臣豐招酷罰。待斃苦壞。聖心不棄窮穢。備官史冊。哀緒莫申。餘陰無幾。精魂屢竭。昭恤末流。如將有補。明時不矜荒怠。伏乞假名外郡。禮私庭。冀存識爽。少訓醜肩。臣瞻光視漏。豈復支久。既因災音。誠兼宗國。俯揆殘骸。返深荒越。

乞御書題天下放生池碑額表

顏清臣

臣真卿言。臣聞帝王之德。莫大於生成。臣子之心。敢忘於述。臣去年冬。任昇州刺史。日屬左驍衛左郎將史元琮。中使張廷玉等。奉宣息命於天下州縣。臨江帶郭。處各置放生池。始于洋州興道。迄于昇州江寧。秦淮。太平橋。凡八十一所。息露動植。澤及昆蟲。發自皇心。徧于天下。歷選列辟。未之前聞。海隅蒼生。孰不欣喜。臣時不揆愚昧。輒述天下放生池碑銘一章。又以俸錢於當州採石。兼力拙。自書。蓋欲使天下元元。知陛下有好生之德。因令微臣。獲廣昔賢善頌之義。遂繕寫一本。附史元琮奉進。兼乞御書題額。以光揚不朽。緣前書點畫稍細。恐不堪經久。臣今謹據石擘窠大書一本。隨表奏進。庶以竭臣下悽之誠。特乞聖恩。俯遂前請。則天下幸甚。豈唯

愚臣昔秦始皇虐之君。李斯邪諂之臣。猶刻金石。垂於後代。魏文帝外禪之主。鍾繇偏方之佐。亦於繁昌之表。頌德況陛下以巍巍功業。而無紀述。則臣竊取之。謹昧死以聞。伏增戰越。臣貞。誠惶誠恐。頓首頓首。死罪。謹言。

進張巡中丞傳表

李翰

臣聞聖主褒死難之士。育死事之孤。或親推轎車。或追建封邑。厚死有以慰生。撫存有以答亡。然後君臣之義。貴以生死激勸之道。著於存亡。君所以不遺於臣。臣所以不背其君。君息臣節。於是乎立。伏見故御史中丞贈揚州大都督張巡。生於昌時。少習儒訓。屬逆胡搆亂。凶虐滔天。挺身下位。忠勇奮發。率烏合之衆。當漁陽之鋒。賊時竊據洛陽。控引幽朔。驅其猛銳。吞噬河南。巡前守雍丘。潰其心腹。反魯吳十萬之師。甲於宛葉。哥舒以天下之衆。敗績於潼關。兩宮出居。萬國波瀾。賊遂恃。盜神器。臨時。兩京南臨漢江。西逼岐雍。群師遷延。而不進。列郡望風。而出奔。而巡獨守孤城。不為之却。賊乃撓出。巡後議。一圍江淮。巡退軍睢陽。扼其咽喉。前後拒守。自春徂冬。大戰數十。小戰數百。以少擊衆。以弱制強。出奇無窮。制勝如神。殺其兇醜。凡九十餘萬。賊所以不敢越睢陽。而取江淮。江淮所以保全者。巡之力也。城孤糧盡。外救不至。猶奮靈起。病摧鋒陷。堅俾三軍之士。噉膚而食。知死不叛。及城陷。見執。終無撓詞。顧叱兇徒。精貫白日。雖古之忠烈。何以加焉。伏以先天文武。大聖孝皇帝陛下。聰明文思。睿哲神武。提一旅之衆。復配天之業。賞功褒節。大賚群臣。遂贈揚州官及其子。此誠陛下發德音之美也。而議者或罪巡以食人。愚巡以守死。臣

甲於宛葉。哥舒以天下之衆。敗績於潼關。兩宮出居。萬國波瀾。賊遂恃。盜神器。臨時。兩京南臨漢江。西逼岐雍。群師遷延。而不進。列郡望風。而出奔。而巡獨守孤城。不為之却。賊乃撓出。巡後議。一圍江淮。巡退軍睢陽。扼其咽喉。前後拒守。自春徂冬。大戰數十。小戰數百。以少擊衆。以弱制強。出奇無窮。制勝如神。殺其兇醜。凡九十餘萬。賊所以不敢越睢陽。而取江淮。江淮所以保全者。巡之力也。城孤糧盡。外救不至。猶奮靈起。病摧鋒陷。堅俾三軍之士。噉膚而食。知死不叛。及城陷。見執。終無撓詞。顧叱兇徒。精貫白日。雖古之忠烈。何以加焉。伏以先天文武。大聖孝皇帝陛下。聰明文思。睿哲神武。提一旅之衆。復配天之業。賞功褒節。大賚群臣。遂贈揚州官及其子。此誠陛下發德音之美也。而議者或罪巡以食人。愚巡以守死。臣

切痛之。今臣敢取十倫以議巡過。以塞眾口。惟聖聰鑒焉。臣聞人稟教以立身。刑原情而定罪。故事有虧教則人道不列。刑有非罪則王法不加。忠者臣之教。恕者法之情。今巡握節而死。非虧教也。折骸而爨。非本情也。春秋之義。以功覆過。咎繇之典。容過宥刑。故大易之戒。遏惡揚善。為一之體。錄用棄瑕。今衆議巡罪。是廢君臣之教。絀忠義之節。不以功掩過。不以刑恕情。善遏惡揚。錄瑕棄用。非所以獎人倫。明勸戒也。且逆胡背德。人鬼所讎。朝廷衣冠。沐恩累代。大臣將相。從逆比肩。而巡朝廷不登。坐宴不與。不階一伍之衆。不假一節之權。感肅義旅。奮身死節。此巡之志大矣。賊勢憑凌。連兵百萬。巡以數千之衆。橫而制之。若無巡。則無睢陽。無睢陽。則無江淮。賊若因江淮之資。兵彌廣財。積根結盤。據西向以拒王師。

雖終於殲夷而曠日持久。國家以六師震其西。巡以堅壘扼其東。故陝鄢一戰。而大羊比走。王師因之而勢勝。聲勢纒接。而城陷。此不意使巡保江淮。以待陛下之師。師至而巡死也。此巡之功大矣。古者列國諸侯。或相侵伐。猶有分災救患之義。况諸將同受國恩。奉辭伐罪乎。巡所以固守者。非惟懷獨克之志。亦以恃諸軍之救。救不至而食盡。食既盡而及人。幸其本圖。非其素志。則巡之情可求矣。設使巡守城之初。已有食人之計。損數百之衆。以全天下。臣猶曰功過相掩。况非其素志乎。在周典之三宥。其一曰宥過失。故語巡之忠。則可以敦世教。議巡之功。則可以繫中興。原巡之情。則可以宥過失。昔夫子制春秋。明褒貶。齊桓將封禪。略而不書。晉文公召王河陽。書而諱之。蓋以巨戴之功大。可以掩僭憚之過也。今巡

蒼黃之罪輕於僭禪與復之功重於臣戴罪疑惟輕功疑惟重聖人之訓昭然可徵臣故謂巡者足可以為訓矣臣又聞罰不及嗣賞延于世此三代所以直道而行今巡子亞夫雖受一官不免飢寒之患江淮既巡所保戶口充完臣謂宜封以百戶俾食其子臣又聞強死為厲遊竟為變有所歸往則不為災巡既身有支離將士等骸骼不掩臣謂宜於睢陽城北擇一高原招魂葬送巡并將士大作一墓而葬使九泉之冤猶思致命三軍之衆有以輕生既感幽明且無冤厲亦國家志過旌善垂誠百世之義也臣少與巡遊巡之所平生臣所知悉今巡死大難不覩休明惟期令名是其榮祿若不時紀錄日月浸悠或掩而不傳或傳而不實而巡生死不遇誠可悲焉臣敢採所聞得甘親觀撰傳一卷昧死獻上伏惟陛下大明在上廣運臨下仁遐之德洽于艱難有善必紀無微不錄儻以臣所撰編列史官雖退死丘壑骨而不朽臣翰誠惶誠恐頓首頓首死罪死罪

論佛骨表

韓退之

臣某言伏以佛者夷狄之一法耳自後漢時流入中國上古未嘗有也昔者黃帝在位百年年百一十歲少昊在位八十年年百歲顓頊在位七十九年年九十八歲帝嚳在位七十年年百五歲帝堯在位九十八年年百一十八歲帝舜及禹年皆百歲此時天下太平百姓安樂壽考然而中國未有佛也其後殷湯亦年百歲湯孫太戊在位七十五年武丁在位五十九年年書史不言其年壽所極推其年數蓋亦俱不減百歲周文王年九十七歲武王年九十三歲穆王在位百年此時佛法亦

未入中國非因事佛而致然也漢明帝時始有佛法明帝在位纔十八年耳其後亂亡相繼運祚不長宋齊梁陳元魏以下事佛漸謹年代尤促惟梁武帝在位四十八年前後三度捨身施佛宗廟之祭不用牲牢晝日一食止於菜果其後竟為侯景所逼餓死臺城國亦尋滅事佛求福反更得禍由此觀之佛不足事亦可知矣高祖始受隋禪則議除之當時群臣材識不遠不能深知先王之道古今之宜推闡聖明以救斯弊其事遂止臣常恨焉伏惟睿聖文武皇帝陛下神聖英武數千有年以來未有倫比即位之初即不許度人為僧尼道士又不許創立寺觀臣常以為高祖之志必行於陛下之手今縱未能即行豈可恣之轉令盛也今聞陛下令群僧迎佛骨於鳳翔御樓以觀昇入大內又令諸寺遞迎供養臣雖至愚必知陛下不惑於佛作此崇奉以祈福祥也直以年豐人樂徇人之心為京師士庶設詭異之觀戲翫之具耳安有聖明若此而肯信此等事哉然百姓愚冥易惑難曉苟見陛下如此將謂真心事佛皆云天子大聖猶一心敬信百姓何人豈合更惜身命焚頂燒指百十為群解衣散財自朝至暮轉相效倣惟恐後時老少奔波棄其業次若不即加禁遏更歷諸寺必有斷臂鬻身以為供養者傷風敗俗傳笑四方非細事也夫佛本夷狄之人與中國言語不通衣服殊製口不言先王之法言身不奉其國命來朝京師陛下容而接之不過宣政一見禮賓一設賜衣一襲衛而出之於境不令惑眾也况其身死已久枯朽之骨凶穢之餘豈宜令入宮禁孔子曰敬鬼神而遠之古之諸侯

行躬於其國尚令巫祝先以桃茢後除不祥然後進弔今無故
取巧之物親臨觀之巫祝不先桃茢不用群臣不言其非御
史不弔其失臣實耻之乞以此骨付之有司投諸水火永絕根
本斷天下之疑絕後世之惑使天下之人知大聖之所作為出
於尋常萬之也豈不盛哉豈不快哉佛如有靈能作禍祟凡有
殃咎宜加臣身上天鑒臨臣不怨悔無任哀激懇悃之至

加具雨表

臣某言臣聞聖人之德與天地通誠發於中事應於外始聞
其語今見其真臣誠歡誠喜頓首頓首伏以季夏以來雨澤
不降臣職司京邑祈禱實冀頌青天湛然旱氣轉甚陛下憫
黎庶有事山川中使統出於九門陰雲已垂於四野龍神效
職雷雨應期嘉穀奮興根葉肥潤抽莖展穗不失時宜人和
年豐莫大之慶微臣幸蒙寵任獲親殊祥慶抃歡呼倍於常
品無任踴躍之至謹奉表陳賀以聞

禮部賀冊尊號表

柳子厚

臣某伏奉月日制陛下膺受尊號率土臣子慶抃無窮臣聞
立極之夫四海無以報神功配天之尊萬物不能崇聖德唯
有激靈是彰中興所以上探天心下極人欲伏惟元和聖文
神武法天應道皇帝陛下統承千載光被六幽蠹賊盡除福
應皆集有首有趾咸識太平勳臣增爵祿之榮戎士加賞延
之寵能降善必錄微功足見獨惟聖謩事絕酬答萬國朕望百
工怨思是以啓元和之盛典延昊穹之景祚理歷疑命寔曰
聖文和衆定功時惟神武運行有法天之用變化乃應道之
方鬼神協謀夷夏同志大禮既建鴻恩遂行歡呼遠布於九

園滲漉普周於八裔慶超遠古美冠將來臣獲守堯荒遂承大典潢汚比陋河清幸遂於千年塵壤均微山呼願同於萬歲無任慶賀屏營之至

奉天論延訪朝臣表

陸敬輿

臣某言賊泚逋誅尚亢宮禁陛下思念宗廟痛傷黎元仁孝交感至於憤激猥以急務下詢微臣臣雖鄙儒尊慕行義荷陛下知己之遇感陛下思理之誠愚衷所懷承問輒發不以淺深自揆不以喜怒上虞誠缺於周防承順之規是亦忠於陛下一至之分也前奉詔問尋具上陳請延群臣稍與親接廣咨訪之路開諫諍之門通壅鬱之情弘採拔之道自獻於奏迨茲彌旬不聞施行不賜酬詰未審宸旨以為如何昧於付量但務竭盡忠由辭理蹇拙不能暢達事情竊之

願披瀝類頌冒豈不慙惶蓋犬馬感恩思效之心矐矐而不能自止者也臣聞立國之本在乎得衆得衆之要在乎見情故仲尼以為人情者聖王之由理道所由生也是則時之否泰事之損益萬化所繫必因人情情有通塞故否泰生情有厚薄故損益生通天下之情者莫智於聖人盡聖人之心者莫深於易象其別卦也乾下坤上乃為泰乾上坤下乃為否其取象也損上益下則曰益損下益上乃為損乾為天為君坤為地為臣天在下而地處上於位乖矣而反謂之泰者上下交故也君在上而臣處下於義順也而反謂之否者上下不交故也氣不交則廢物不有情不交則萬邦不和天氣下降地氣上騰然後歲功成君澤下流臣誠上達然後理道立損益之義亦由是焉上約已而裕於人人必悅而奉上矣其

不講之益乎。上蔑人而肆於己。人必怨而叛上矣。其不謂之損乎。然則上下交而泰。不交而否。自損者人益有益者人損。情之得失豈容易哉。故喻君為舟。喻人為水。言水能載舟亦能覆舟也。舟即君道。水即人情。每順水之道乃浮。違則沒。君得人之情乃固。失則危。是以古先聖王居人之上也。必以其心從天下之心。而不敢以天下之人從其欲。乃至兢業。一日萬幾。夫幾者事之微也。以聖人之德。天子之尊。且猶慎事之微。乃至一日萬慮。豈不以居上接下。懼失其情。欽書曰。人心惟危。道心惟微。則萬幾之慮。不得不精也。危則覆舟之誠。不可不畏也。夫揆物以意。宣意以言。言或是非。莫若考於有跡。跡或成敗。莫若驗於已行。自昔王業盛衰。君道得失。史冊盡在。粲然可徵。與眾同欲。靡不與。違眾自用。靡不廢。從善納諫。靡不固。遠賢取過。靡不危。故詩書稱堯之德。則曰。於于衆。捨已從人。數舜之功。則曰。明明四目。達四聰。言務同欲也。序禹之所由興。則曰。益贊于禹。禹拜昌言。述湯之所以王。則曰。用人惟已。改過不吝。言能納諫也。歌文王作周。則曰。濟濟多士。文王以寧。美武王克殷。則曰。亂臣十人。同心同德。言皆從善也。堯舜禹湯文武。此六君者。天下之盛王也。莫不從諫而輔德。詢衆以成功。是則德益盛而慮益微。功愈高而意愈下。及代之衰也。則道亦反焉。故書曰。紂有億兆夷人。離心離德。言遠衆也。詩曰。汝包林于中國。斂怨以為德。不明爾德。時無并無側爾德。不明以無背無鄉。又曰。雖無老成人。尚有典刑。曾是莫聽。大命以傾。言遠賢也。書曰。謂人莫已若者。亡。詩曰。惟彼不慎。自獨倖滅。自有肺腸。倖人卒狂。言自用也。前史

數桀紂之惡曰。智足以拒諫。言足以飾非。言取過也。考得失於已行之跡。鑑成敗於已驗之符。孰失道而不衰。孰得理而不成。我應以類。影。晉不差。胡。不則而象之敬。而畏之乎。自秦漢暨于周隋。其間將歷千載。代興者非一姓。繼覆者非一君。雖所遇殊時。所為異跡。然失衆必敗。得衆必成。與堯舜禹湯同務者。必興。與桀紂幽厲同趣者。必覆。多同於善。則功倍。多同於惡。則禍甚。善惡同類。端如貫珠。成敗象行。明若觀火。此歷代之元龜也。尚恐議者曰。時異事殊。臣請復為陛下粗舉近效之尤章者以辯焉。太宗文皇帝以天縱之才。有神噐之重。武定禍亂。文致太平。威行如雷霆。明照俾日月。英略施於百勝。聖功被於九歌。固非庶品之所度量。常情之所鑽仰。然借鏡。畏慎懼失人心。每戒臣下獻規。怕以危亡為慮。夙興聽理。日旰忘勞。公卿迭進。廷奏庶務。評議得失。與衆共之。下無滯情。上無私斷。退朝之暇。宴接待侍臣。咨訪謀猷。詢求過闕。或論往古成敗。或問人間事情。每言及暗主亂朝。則省懼自戒。言及賢君理代。則企慕齊言。及稼穡艱難。則上下相匡。務導勤儉。言及閭閻疾苦。則君臣同慮。議息。在徭愁德。懲違觸類滋長。尚恐過言謬舉。既往難追。每召宰輔。平章必遣諫官。俱入。小有頽失。隨即箴規。得一善。必遽命。置其聽。一諫必明。加褒錫。故得時無闕事。人樂輸誠。又引文學之流。更直宿於內署。或講求典禮。或詠誦詩書。每至夜分。情忘厭倦。伏以太宗之德。美貞觀之理。安且猶務得人心。其勤若此。是則人之於理道。可一日不接乎。高宗初年。亦親聽納。故當時翕然歸美。以為有貞觀之風。兼賴遺澤。在人先範。垂裕幸無改作。俗

以阜康數十年間天下無事承平之業滋久倦怠之意頗彰
燕居益深接下彌簡前哲之耿光滯遠中宮之威柄潛移卒
有嗣聖臨朝天授革命豈不以經邦之道闕焉咨於大猷宴
安之懷溺偏信於近狎馴致禍變幾將傾危雖亂匪自他然
其失一也弊俗一靡餘風遂流神龍景雲之間皆變倖亂
朝忠義不達玄宗躬定大難手振宏綱開懷納忠克已從諫
專用耆老廣採群才大臣不敢壅下情私昵不敢干公議朝
清道泰垂三十年謂化已成謂安可保耳目之娛漸廣憂勤
之志稍衰侈心一萌邪道並進貪權竊柄者則曰德如堯舜
矣焉用勞神承意趣利者則曰時已太平矣胡不為樂有深
謀遠慮者謂之迂誕驚衆有讜言切諫者謂之誹謗邀名至
尊收視於穆清上宰養威於廊廟曹以類非為奉職法吏

以識旨為當官司府以厚斂為公忠權門以多賂為聞望外
寵持竊國之勢內寵擅廻天之謠禍機熾然滋甚舉天下
下如居積薪之上人人懼焚而朝廷相蒙曾莫之省日務遊
宴方謂有無疆之休大盜一興至今為梗豈不以忽於戒備
逸於居安憚忠鯁之佛心并設詐之從欲漸漬不聞其失以
至於大失乎肅宗懲致寇之由蘊撥亂之略虛受廣納同符乎
太宗招延詢謀輟食廢寢洞啓誠府推心與人豁披曾襟忘
已應物故得來蘇之望允塞配天之業勃興先皇帝繼守恭
勤而益之以和惠惠則有感和則有親雖時經艱屯而衆不
離析理尚寬太務因循而重改作然於茶宸聽朝常限三人
奏事時亦宣諭德令課責待臣或賞其盡規或含以容默性
本仁恕事多弘讓諫雖未從且不深忤情苟有阻終復上通

故君臣相安而人亦小息陛下英姿逸辯邁絕人倫武略雄圖罕寵物表憤積習以妨理任削平而在躬以明威照臨以嚴法制斷流弊自久浚恒太深遠者驚疑而阻命逃死之亂作近者畏懼而偷容避罪之態生君臣意乖上下情隔君務致理而下防誅夷臣將納忠又上慮欺誣故睿誠不布於羣物物情不達於睿聰臣於往年曾任御史獲奉朝謁僅欲半年陛下嚴邃高居未嘗降旨臨問群臣踟躕趨退亦不列事奏陳軒墀之間且未相諭宇宙之廣何由自通雖復例對使臣列延宰輔既殊師錫且異公言未行者則戒以樞密勿論已行者又謂之遂事不諫漸生拘礙動涉猜嫌由是人各隱情以言為諱至於變故將起億兆同憂獨陛下恬然不知方謂太平可致陛下以今日之所觀驗往時之所聞孰真孰虛何得何失則事之通塞備詳之矣人之情偽盡知之矣列聖升降之效歷歷如彼當今理亂之由昭々如此未有不興於得衆殆於失人裕於貪諂蔽於偏信濟美因乎納諫虧德由乎自賢善始本乎憂勤失全萌乎安汰今陛下將欲悔禍徼福去危從安若不循太宗創業之規襲肅宗中興之理鑑天寶致亂之所以懲今者遷幸之所因則何以孚聖懷揚令聞新遠邇之聽歸反側之心乎前承德音訪及庸鄙敢緣斯義輒以獻聞自爾以來反覆千慮愚智有分信非可移至今拳拳猶滯所見不勝愚誠懇歎謹復布露以聞臣惶怖死罪謹言

為并州長史張仁置進九鼎銘表 吳少微

臣聞鼎者夏后氏作群牧貢金遠方圖物備諸山澤以禦魑魅厥後嗣德昏亂鼎遷于商夏之寶也杞不足徵殷既有之

又患失之周德休明神寶不墜百代可繼伏惟陛下光大而
當之若乃崇貴之器金玉之鼎鎔首山發隄上列太廟序明
堂克明靈命以奉上帝非愚臣所敢議臣聞禮之興也始諸
飲食故先王之制曰舉九鼎蓋筠藥溥熬澄澹齏膏餌御九州
之美順四時之和臣所以征繕北金敢貢新鼎夫有器必有
名臣竊見九州同述九號夫永昌天中所以基皇周也長
安及岐所以紀靈瑞也武興建都所以光帝開也禮曰觀禪
云云所以美升中也少陽載青所以異儲德也東京底平所以
以廣封植也江都淮海所以肆朝宗也江陵作鎮所以制荆
蠻也成都興區所以遏珍貢也夫此九者誠不足掄衍鴻休
昭振方統庶覩者美其所稱知有由作微臣朽老不達有慙
歌頌塵八命之寵章負中軍之重任臣躬歔伏未流汗其

九鼎欽謹敢列上謹遣某官某奉鼎以聞臣某

文翰類選大成卷百四十一



今草業經...

大德...

...

卷之四